




月旦集



		九	漢
		二	書
		〇	門
六	一	〇	
四	三	四	
冊	架	函	類

內閣文庫			
元	九	漢	
四	二	書	
函	〇		
三	〇		
二	四		
架	冊	號	類

內閣文庫			
番號	漢	9205	
冊數	64 ( 2 )		
函號	294	39	





言 帝甚善之仍詔深還處州招集舊所部兵卒以從

徐壽輝聞陳友諒破龍興欲徙都之友諒忌其來不利於

已不從至是壽輝故引兵發漢陽南下江州友諒出迎

伏兵城西俟壽輝既入門閉伏發盡殺其部屬惟存壽

輝以江州為都居之遂自稱漢王立王府置官屬事權

歸友諒壽輝惟擁虛位而已

淺草文庫

庚子二月福建行省叅政袁天祿以福寧州來歸

陳友諒寇池州大敗復率舟師攻太平守將樞密院判花

雲與朱文遜等以兵三千拒戰文遜死之友諒攻城三

日不得入乃引巨舟泊城西南士卒緣舟尾攀堞而登

國朝典彙卷一  
城遂陷雲被執縛急怒罵曰賊奴爾縛吾吾主必滅爾  
曹斯爾爲鱠也遂奮躍大呼而起縛皆絕奪守者刀連  
斫五六人賊怒縛雲于舟檣叢射之雲至死罵不絕口  
院判王鼎知府許瑗俱爲友諒所執皆抗罵不屈死之  
陳友諒寇太平挾徐壽輝以行旣陷太平志盈滿急謀僭  
竊乃于采石舟中先使人詣壽輝前佯爲白事令壯士  
持鉄搥自後擊其首壽輝死友諒遂以采石五通廟爲  
行殿昇廟中神像顛倒置門外而僭位其中國號漢改  
元大義仍以鄒普勝爲太師張必先爲左相張定邊爲  
太尉羣下草次行禮于江岸又值大雨冠服皆濡濕略  
無儀節識者知其必無成

陳友諒旣僭號乃潛遣人約張士誠欲犯建康羣議皆  
請先復太平以牽制之 帝曰不可太平吾新築壘濠  
塹深固向使彼陸地來攻必不能勝乃以巨艦乘城遂  
爲所陷今彼旣居上流順勢來寇舟師十倍于我猝難  
敵也或勸 帝自將擊之 帝曰此亦不可敵知我出  
以偏師綴我我欲戰彼不交鋒而以舟師順流直趨建  
康半日可達吾步騎亟回非一日可至縱能得達百里  
趨戰兵法所忌皆非良策也吾有一計足以破之於是  
召指揮康茂才諭之曰有事命汝能之乎茂才曰惟所

命 帝曰陳友諒欲來爲寇吾欲速其來非汝不可汝  
與友諒舊且佯欲爲叛遣人致書密約其來爲內應彼  
必從茂才曰諾吾家有老閹者嘗事友諒頗信之且忠  
謹不洩吾書令賫以往則必信來無疑將行以所謀問  
李善長善長曰方以寇來爲憂何爲更誘致之也 帝  
曰此策不可失失今不爲久則患深使二虜相合吾何  
以支先破此虜則東寇胆落矣遂遣閹者持書乘小舸  
徑至友諒軍友諒見閹者卽呼問之曰爾何爲來閹者  
曰康相公令我來友諒曰康公何言閹者出書進之友  
諒觀書畢甚喜問閹者曰康公今何在曰見守江東

又問江東橋何如曰木橋也乃與酒食遣還謂曰歸語  
康公吾卽至至則呼老康爲號閹者諾歸具以告 帝  
曰虜落吾彀中矣乃命李善長撤江東橋易以鉄石通  
宵治之及旦而成適有富民自友諒軍逸歸言友諒開  
新河道路又令于新河口跨水築虎口城以兵守之命  
馮國勝常遇春率帳前五翼軍三萬人伏于石灰山側  
徐達軍于南門外楊璟駐兵大勝港張德勝朱虎帥舟  
師出龍江關外 帝總大軍于盧龍山令持幟者偃黃  
幟于山之左偃赤幟于山之右戒曰寇至則舉赤幟及  
舉黃幟則伏兵皆起各嚴師以待乙丑友諒果引舟師

東下至大勝港環整兵禦之時水路狹隘僅容三舟入  
港友諒以舟不得並進遽引退出大江徑以舟衝江東  
橋見橋皆鉄石乃驚疑連呼老康老康無應之者始知  
闇者之謬已卽與其弟號五王者率舟十餘向龍灣先  
遣萬人登岸立柵其勢銳甚時暑熱 帝衣紫茸甲張  
蓋督兵見士卒流汗命去蓋衆欲戰 帝曰天將雨諸  
軍且就食當乘雨擊之時天無雲衆莫之信忽雲起東  
北須臾雨大注赤幟舉 帝下令拔柵諸軍競前拔柵  
友諒麾其軍來爭戰方合適雨至命伐鼓鼓震黃幟舉  
馮國勝常遇春伏兵起徐達兵亦至張德勝朱虎舟師  
並集內外合擊友諒軍大敗潰兵走趨舟值潮退舟膠  
淺卒不能動殺溺死者無筭俘其卒二萬餘人其將張  
志雄梁鉉俞國興梁世衍等皆降獲巨艦名混江龍塞  
斷江撞倒山江海鼈者百餘艘友諒乘別舸脫走于其  
所乘舟臥席下得茂才所遺書 帝笑曰彼愚至此誠  
可嗤也張志雄者故趙普勝部將善戰號長張嘗怨友  
諒殺普勝故龍灣之戰無鬪志及降言于 帝曰友諒  
之東下盡併安慶兵以從今之降卒皆安慶之兵友諒  
旣敗走安慶無守禦者 帝乃遣徐達馮國勝張德勝  
等將兵追友諒又命元帥余某等將兵取安慶德勝追

及友諒于慈湖縱火焚其舟至采石又與大戰德勝死  
之國勝以五翼軍蹴之友諒與其將張定邊出皂旗軍  
號黑旋風者迎戰又敗之友諒遂收餘兵棄太平遁去  
達率舟師追至池州而還余元帥遂取安慶守之

我師克信州初友諒之寇龍江也 帝命胡大海出兵擣  
廣信以牽制之大海遣元帥葛俊率兵以往道過衢州  
都事王愷止俊乘驛至金華謂大海曰廣信爲友諒門  
戶彼旣傾國入寇寧不以重兵爲守非大將統軍以臨  
之不可今出偏師設若劬敗非獨廣信不可下吾衢先  
繹騷矣大海從之乃親率兵攻信川至靈溪城下步騎

數千出迎戰大海擊敗之督兵攻城守兵不能禦衆潰  
遂克之甲申改信州路爲廣信府以段伯文爲知府立  
龍虎翼元帥府以葛俊爲元帥周隆爲副元帥守之

辛丑八月我師伐陳友諒大破之于江州先是友諒將李  
明道寇信州胡大海率兵擊破之擒明道送建康 帝  
命仍舊職用爲鄉道以取江西 帝問陳氏何如明道  
具言友諒自弑壽輝將士皆離心且政令不一擅權者  
多驍勇之將如趙普勝者又忌而殺之雖有衆不足用  
也及安慶之陷 帝遂決伐之召諸將諭之曰陳友諒  
殺徐壽輝僭稱大號天理人情所不容乃不度德量力

肆騁兇暴侵我太平犯我建康既自取禍敗不知悔悟  
今乃以兵陷安慶觀其所爲不滅不已爾等各厲士卒  
以從徐達進日師直爲壯今我直而彼曲焉有不克劉  
基亦言昨觀天象金星在前火星在後此勝師之兆願  
順天應人早行吊伐 帝曰吾亦夜觀天象正如爾言  
遂帥徐達常遇春等各將舟師登龍灣 帝御龍驤巨  
艦建大旗于前署曰吊民伐罪納順招降諸軍乘風泝  
流而上時友諒江上斥候望風奔遁戊戌我師至安慶  
敵固守不戰乃以陸兵疑之敵兵動遂命廖永忠張志  
雄以舟師擊其水寨破敵舟八十餘艘獲戰艇二十有

七遂克安慶長驅至小孤友諒守將傅友德及丁普郎  
迎降壬寅師次湖口遇友諒舟出江偵邏常遇春擊之  
敵舟退走乘勝追至江州友諒親率兵督戰 帝分舟  
師爲兩翼夾擊又大破之獲其舟百餘艘友諒窮蹙夜  
半挈妻子棄城走武昌癸卯我師入江州獲糧數十萬  
十二月己未命平章吳宏等率兵取撫州時友諒右丞鄧  
克明據城拒守宏遣人招之克明意欲緩師以款我聞  
僉院鄧愈駐兵臨川之平唐乃遣人詣愈詐獻其地請  
降愈察其意非誠卽率兵由漁陽段鼓間道夜襲之黎  
明至其城下兵由東西北三門入克明不意我師至倉

卒計無所出單騎出南門走又自度不能免乃遣其員外羅天錫以分省印及所掠撫州建昌臨江汀州四路南豐寧都富州三州臨川樂安等十八縣印詣愈降愈留克明于軍中令其弟志明還新淦收其故部曲克明因請往九江見帝愈以兵送之至中途克明復逃歸新淦乙卯改撫州路爲臨川府建昌路爲肇慶府未幾皆復其舊

是月己亥陳友諒江西行省丞相胡廷瑞平章祝宗來降廷瑞遣鄭仁傑詣九江納款仁傑因以廷瑞之意言于帝曰明公英武蓋世海內豪傑皆延頸傾心樂爲

任使廷瑞等欲歸命久矣然無路以請今特遣仁傑輸款但所領將校久居部曲人情相安恐旣降而以此輩屬之他人則非所願故預陳本意帝以書報可廷瑞得書遂決意遣其同僉康泰至九江降

壬寅正月帝遂發九江如龍興辛酉胡廷瑞祝宗等俱迎新城門外帝慰勞之俾各仍舊官壬戌入城存恤鰥寡孤獨放陳友諒所蓄鹿于西山戊辰築臺于城北龍沙之上召城中父老民人悉集臺下諭之曰自古攻城掠地鋒鏑之下民罹其殃今爾民得保骨肉安生理無所苦者皆丞相胡廷瑞灼見天道先機來歸爲爾民



之福陳氏據此軍旅百需之供爾民甚苦之今吾悉去其弊軍需供億俱不以相勞爾等各事本業毋游惰毋作非爲以陷刑辟毋交結權貴以擾害良善各保父母妻子爲吾良民於是士民皆感悅乃改龍興路爲洪都府以葉琛知府事

鄧克明旣逃歸新淦復收集舊部曲仍肆劫掠 帝至龍興遠近皆降克明懼不自安欲復降恐見誅乃詐爲商賈乘小舟至龍興城下潛使人覘伺可否爲去就事覺被執并獲克明 帝責其反覆不誠囚之以歸建康

吉安土軍元帥孫本立曾萬中粹中來降初本立起兵廬陵萬中兄弟聚兵吉水從元守臣納速兒丁守吉安爲友諒將熊天瑞所併心常不悅聞 帝至龍興遂納款以本立爲行省參政萬中爲都元帥粹中爲行軍指揮二月金華賊蔣英等殺守臣胡大海初大海下嚴州劉震等從員成自桐廬來降大海喜其驍勇畱致麾下待之不疑至是震等謀亂以大海遇已厚未忍發李福謂其衆曰胡參政待我輩甚厚然兵之柄在王將不殺王將則事不成舉大事寧暇顧私恩乎衆從之以書通衢處苗帥李祐之等約以二月七日舉兵是日英等入分省署佯請大海至入詠樓下觀弩大海出將上馬英令黨

鍾矮子跪于馬前陽訴曰蔣英等欲殺我大海未及答  
反顧英英袖出鉄槌若擊矮子狀因中海海腦仆地英  
卽斷其首提于馬上以示同僉寧安慶院判張斌脇其  
從已復殺大海子開住執郎中王愷愷正色曰吾職居  
郎署同守此土義當死寧從賊耶劉震欲全之賊黨吳  
得真與之有隙曰無自遺患遂殺愷及其子寅椽史章  
誠亦死之典吏李斌懷省印縋城走嚴州告變于朱文  
忠文忠遣元帥何世明椽史郭彥仁等率兵討之至蘭  
谿英等懼乃大掠城中子女西走降于張士誠世明軍  
入城張斌吳得真復來降世明知王愷爲得真所害縛

至馬前欲殺之斌力請曰殺一得真則降者皆懼後人  
不復來降矣乃釋之大海養子德濟聞難引兵奔討  
帝卽命左司郎中楊元杲至金華總理軍儲事文忠亦  
率將士至金華鎮撫其民旣入父老遮道訴曰士民不  
幸遭叛寇屠戮日夜望王師以解倒懸今將軍至吾屬  
無患矣文忠分遣左右遍行鄉邑撫輯民人乃大安  
初 帝嘗曰金華是吾親征之地密邇江西福建迫于  
敵境重鎮也必得重望之臣鎮之改分樞密院爲江南  
分省陞大海爲本省叅政及蔣英事聞 帝改江南分  
省爲浙東行省陞同僉李文忠爲本省右丞總制處州

國朝典彙卷一  
等五府一州軍馬選都事楊憲爲左右郎中叅贊之  
帝謂憲曰李文忠吾甥也年少未歷練方面之事皆聽  
爾裁之有失罪亦歸爾

張士誠遣弟士信率兵寇諸全我兵敗之

三月處州苗軍元帥李祐之賀仁得蔣英等已殺胡大海  
遂作亂院判耿再成方與客飲聞亂卽上馬收兵不及  
迎賊罵曰賊奴國家何負汝乃敢反賊將直前刺再成  
中頸死分省部事孫炎被執幽之空室賊卒環守之脅  
炎降炎不屈賀仁得以炙鴈斗酒饋炎炎不受曰今日  
乃爲鼠輩所困然我死死爲主反覆賊死狗且不食守

卒怒拔刀叱炎解衣炎曰此紫綺裘乃主賜我者吾當  
服以死遂害之知府王道同爲賀仁得所迫亦不屈而  
死 帝聞處州之亂命平章邵榮率兵討之朱文忠聞  
亂亦遣元帥王祐等率兵屯縉雲榮及祐等攻處州燒  
其東北門軍士登城以入李祐之自殺賀仁得走縉雲  
耕者縛之檻送伏誅處州復平以王祐守之榮乃還  
四月癸亥祝宗康泰叛攻陷洪都府初洪都之降非二人  
本心旣降數有叛意時出語咎胡廷瑞廷瑞反覆開論  
之故未卽發 帝還建康廷瑞恐二人爲變不利于已  
乃微言于 帝卽發使詣洪都令二人將所部兵往湖

廣從徐達聽征二人舟次女兒港遂以其衆叛適遇商人布疋因掠其布爲旗號反兵劫洪都是日暮至城下發礮舉火攻破新城門賊殺官軍時鄧愈居故廉訪司聞變倉卒以數十騎出走數與賊遇且戰且走從者多遇害愈窘甚連跳躄三馬馬輒踣幾不免最後得養子所乘馬始得脫從撫州門出走還建康於是都事萬思誠知府葉琛皆死于難愈至建康帝聞變命徐達等還討之達等師抵城下祝宗康泰分兵拒守達攻破之復取洪都祝宗走新淦依鄧志明後爲志明所殺函其首來建康泰走廣信爲追兵所獲送建康泰胡廷瑞之

甥 帝以廷瑞故特宥之丙午命大都督朱文正統元帥趙德勝等同叅政鄧愈鎮洪都

明玉珍聞陳友諒弒徐壽輝謀欲討之乃整兵守夔關不與相通復立廟以祀壽輝至是遂自稱隴蜀王分兵克龍州犯興元鞏昌諸縣陝西叅政車里帖木兒擊敗之擒其弟明二

七月平章邵榮叅政趙繼祖謀反伏誅榮粗勇善戰與帝同起兵濠梁帝待之甚厚自平處州還益驕蹇有覬覦心常憤憤出怨言部將有欲告之者榮懼不自安與趙繼祖謀俟閒作亂至是帝閱兵三山門外榮與

繼祖伏兵門內欲為變會大風猝發吹旗觸 帝衣

帝異之易服從上道還榮等不得發遂為宋國興所告

帝召榮等面詰之具伏 帝不欲即誅繫于別室召

諸將曰吾不負邵榮而榮所為如此將何以處之常遇

春日榮等兇悖一旦忘恩義謀為亂逆不利于主公將

害及我等縱主公不忍殺之我等義不與之俱生 帝

不得已命具酒食飲食之涕泣與訣皆就誅

八月陳友諒遣將熊天瑞寇吉安守將孫本立戰敗走永

新天瑞復攻破永新本立被執死之友諒使其知院饒

鼎臣守吉安鼎臣慄悍有胆略所至害毒人呼為饒大

胆初天瑞寇吉安本立遣元帥曾萬中粹中間道走建

康來救時大都督朱文正鎮洪都 帝遂命文正往救

之師未發而吉安陷文正遣裨將率兵取吉安饒鼎臣

出走遂以叅政劉齊陳海同李明道曾萬中粹中共守

之以朱叔華知府事兵還洪都

癸卯七月陳友諒恨疆場日感作大艦來攻洪都艦高數

丈飾以丹漆上下三級級置走馬棚下設板房為蔽置

艚數十其中上下人語不相聞艚箱皆裹以鉄自為必

勝之計載其家屬百官空國而來洪都城始瞰大江友

諒前攻城以大艦乘水漲附城而登故為所破 帝定

洪都命移城去江三十步以是友諒巨艦不復得近乃以兵圍城其氣甚盛都督朱文正與諸將謀分城拒守叅政鄧愈守撫州門元帥趙德勝守宮步士步橋步三門指揮薛顯等守章江新城二門元帥牛海龍等守琉璃澹臺二門文正居中節制諸軍自將精銳三千往來以禦之丙寅友諒攻撫州門其兵各戴竹盾如箕狀以禦矢石極力來攻城壞三十餘丈鄧愈以火銃擊退其兵隨豎木柵敵爭柵文正督諸將死戰且戰且築通夕城完於是總管李繼先元帥牛海龍趙國旺許珪朱潛萬戶程國勝等皆戰死五月丙子友諒復攻新城門蔣

顯將銳卒開門突戰斬其平章劉震昭敵兵迺退百戶徐明被執死之六月辛亥友諒增修攻具攻水關欲破柵以入文正使壯士以長槩從關內刺之敵奪槩更進文正乃命煨鉄戟鉄鈎穿柵更刺敵復來奪手皆灼爛友諒計窮又以兵攻宮步士步二門德勝忠禦之暮坐宮步門樓指揮士卒中流矢死洪都被圍既久內外阻絕音問不通文正乃遣千戶張子明告急于建康子明取東湖小漁舟夜從水關潛出越石頭口夜行晝止凡半月始得達帝問友諒兵勢何如子明對曰友諒兵雖盛而戰鬪死者亦不少今江水日涸賊之巨艦將不

利用又師久糧乏若援兵至必可破也 帝謂子明曰  
汝歸語文正但堅守一月吾自當取之不足慮也子明  
還至湖口爲友諒所獲友諒謂曰若能誘城降非但不  
死且得富貴子明僞許之至城下大呼曰大軍且至但  
固守以待友諒怒遂殺之先是徐達常遇春攻圍廬州  
城三面阻水攻之凡三月不下 帝乃召達常遇春還師  
援洪都秋七月癸酉達遇春自廬州還 帝召諸將論  
之曰陳友諒侵犯不已復圍洪都彼累敗不悟是天奪  
其魄而促之亡也吾當親往爾諸將其各整舟楫率士  
馬以從是日會師禡纛于龍江舟師凡二十萬俱發癸

未師次湖口先遣指揮戴德以一軍屯涇江口一軍屯  
南湖背以遏友諒歸師又遣調信州兵守武陽渡防其  
奔逸友諒聞大軍至卽解圍東出鄱陽湖以迎我師  
帝率舟軍由松門入鄱陽湖諭諸將曰兩軍相鬪勇者  
勝陳友諒久圍洪都今聞我師至而退兵迎戰其勢必  
死鬪諸公當盡力有進無退剪滅此虜正在今日諸將  
受命皆自奮丁亥遂與友諒師遇於康郎山友諒列巨  
舟以當我師 帝見之謂諸將曰彼巨舟首尾連接不  
利進退可破也乃命舟師爲十一隊火器弓弩以次而  
列諸將逼近寇舟先發火器次弓弩及其舟則短兵擊

之戊子命達遇春永忠等進兵薄戰達身先諸將擊敗  
其前軍殺千五百人獲一巨舟而還軍威大振俞通海  
復乘風發火炮焚寇舟二十餘艘彼軍殺溺者甚衆元  
帥宋貴陳兆先等亦戰死達等搏戰不已火延及達舟  
敵遂乘之達搏火更戰 帝急遣舟援達達力戰敵乃  
退友諒驍將張定邊奮前欲犯 帝舟舟適膠淺我軍  
格鬪計無所出牙將韓成進曰古人殺身以成仁臣不  
敢愛其死乃服上冠袍對敵自投水中敵人信之攻少  
緩遇春從旁射中定邊定邊舟始却通海來援舟驟進  
水湧 帝舟得脫永忠遂以飛舸追定邊定邊走身被

百餘矢士卒多死傷旣而遇春舟亦膠淺 帝麾兵救  
之俄有敗舟順流而下觸遇春舟舟亦脫會日暮諸軍  
欲退 帝御樓舡鳴鉦集諸將申明約束喻以死生利  
害諸將咸以手加額以死自誓是日命達還守建康已  
丑旦 帝命鳴角舟師畢集乃親佈陣復與友諒戰諸  
軍奮擊敵舟敵不能當殺溺死無筭院判張志雄所乘  
舟檣折爲敵所覺以數舟攢兵鉤刺之志雄窘迫自刎  
丁普郎余昶陳弼徐公輔皆戰死普郎身被十餘創首  
脫猶執兵若戰狀植立舟中不仆敵兵舟艦相連至脯  
東北風起 帝命以七舟載荻葦置火藥其中束草爲



人飾以甲冑各持兵戟若鬪敵者令敢死操之備走舸于後將迫敵舟乘風縱火風急火烈湏臾抵敵舟焚水寨舟數百艘燔烟漲天湖水盡赤死者大半友諒弟友仁友貴及其平章陳普略等皆焚死我師乘之又斬二千餘級友仁者卽所謂五王也眇一目有智數梟勇善戰至是死友諒爲之喪氣普略卽新開陳也明日帝復諭諸將曰友諒戰敗氣沮亡在旦夕今當併力感之于是諸將亦自奮是時帝所乘舟檣白友諒覺欲併力來攻帝知之夜令諸船盡白其檣旦時莫能辨敵益驚駭辛卯復聯舟大戰敵兵巨艦艱于運轉我舟環攻之殺其卒殆盡而操舟猶不知尚呼號搖櫓如故已而焚其舟皆死俞通海廖永忠張興祖趙庸等以六舟深入搏擊敵連大艦極力拒戰我師望六舟無所見意謂已陷沒有頃六舟旋繞敵舡而出我師見之勇氣增倍合戰益力呼聲動天地波濤起立日爲之晦自辰至午敵兵大敗棄旗鼓器仗浮蔽湖面友諒遂奪氣張定邊自以戰不利欲挾友諒退保鞋山爲我師所扼不得出乃歛舟自守不敢更戰通海等還帝勞之曰今日之捷諸公之力也是日移舟泊紫棚去敵舡五里許復遣人往挑戰敵不敢應諸將議欲退師少休士卒帝

曰兩軍相持我若先退彼必以爲怯而來追非計也必先移舟出湖乃可無失時水路狹隘舟不得並進恐爲敵所乘至夜令舡置一燈相隨渡淺比明已盡渡矣乃泊于左蠡友諒遂亦移舟出泊渚磯相持者三日友諒左右二金吾將軍率所部來降兵力益衰帝旣駐師左蠡移書友諒曰方今取天下之勢同討夷狄以安中國是爲上策結怨中國而後夷狄是爲無策曩者公犯池州吾不以爲嫌生還俘虜將欲與公爲約從之舉各安一方以俟天命此吾之本心也公失此計乃先與我爲仇我是以破公江州遂蹂躪黃漢沔之地因舉龍興十一郡奄爲我有今又不悔復起兵端一困于洪都兩敗于康山殺其弟姪殘其兵將損數萬之命無尺寸之功此逆天理悖人心所致也公乘尾大不掉之舟隕兵弊甲與吾相持以公平日之強暴正當親決一戰何徐徐隨後若聽吾指揮者無乃非丈夫乎公早決之友諒得書怒留使者不遣猶建命字旗週迴寨令獲我戰士皆殺之帝聞之命悉出所俘友諒軍視其軍有傷者賜藥療之皆遣還下令曰但獲彼軍皆勿殺又令祭其弟姪及將之戰死者我師遂出湖口命遇春永忠諸將統舟師橫截湖口邀其歸路又令一軍立柵于岸控

湖口旬有五日友諒不敢出復遺書與之曰昨兵舡對  
泊瀦磯嘗遣使賫記事往不覩使回公度量何淺淺哉  
大丈夫謀天下何有深仇夫自辛卯以來天下豪傑紛  
然並起邇來中原英雄興問罪之師挾天子令諸侯於  
是淫虐之徒一掃而亡公之湘陰劉亦懼而往此公腹  
心人也部下將自此往矣江淮英雄惟存吾與公耳何  
乃自相吞併公今戰亡弟姪首將又何怒焉公之土地  
吾已得之縱力驅殘兵來死城下不可再得也設使公  
僥倖逃還亦宜修德勿作欺人之容却帝名而待真主  
不然喪家滅姓悔之晚矣友諒忿恚不答住湖中既久  
食盡遣舟五百掠糧于都昌都督朱文正復使舍人陳  
方亮潛往燔其舟友諒糧絕勢益困八月壬戌友諒欲  
奔還武昌乃率樓舡百餘艘趨南湖背爲我軍所遏遂  
欲突出湖口 帝麾諸將邀擊之我舟與敵舟聯比隨  
流而下自辰至酉力戰不已至涇江口涇江之兵復擊  
之張鈇冠大笑賀 帝曰友諒死矣 帝笑曰無妄言  
復戲鈇冠曰縛汝于水濱以俟乃遣樂人具牲酒往祭  
友諒以覘其死生且曰如其生往者必還若不還其死  
必矣而往者俱被殺未幾有降卒來奔言友諒在別舡  
中流矢貫睛及顱而死諸軍聞之大呼喜躍殺敵益奮

國朝典彙卷一  
敵衆大潰于是擒其太子善兒平章姚天祥等明日友諒平章陳榮叅政曾某樞密使李才小舍命王副樞賈僉院及指揮以下悉以其樓舡軍馬來降得士卒五萬餘人惟太尉張定邊及楊丞相韓副樞乘夜以小舟竊載友諒屍及其子理徑走武昌遣使追之不及定邊等至武昌復立理爲帝改元德壽廼改洪都府爲南昌府遣兵追陳理于武昌

初劉基赴京道經建德適張氏入寇時李文忠守建德欲奮擊之基使勿擊曰不出三日賊當自走追而擊之此賊擒也比三日黎明基登城望之曰賊走矣衆見其壁壘旗幟皆如故且聞嚴鼓聲疑莫敢輕動基趣之進兵則皆空壘擊鼓者乃所掠老弱遂窮追賊走東陽悉擒之以還基至京師時陳友諒據湖廣張士誠據浙西皆未下衆以爲蘇湖地肥饒欲先取之基曰張士誠自守虜耳陳友諒居上流且名號不正宜先伐之陳氏旣滅取張氏如囊中物耳會陳氏復攻洪都帝遂伐陳氏因大戰于鄱陽湖勝負未決基言于帝移軍湖口期以金木相犯日決勝帝皆從之陳氏遂平


帝親䟽張中十事命宋濂作傳中江西臨川人少習儒以春秋應進士不第遂放情山水遇異人授以大極數學

時天下大亂與人言避兵之方從則吉違則凶歲壬寅  
 帝帥師下豫章鄧愈因薦中召至問曰予定豫章兵  
 不血刃市不易肆生民自此蘇息否中對曰未也旦夕  
 此地當流血廬舍焚燬殆盡鉄柱觀亦為灰燼惟一殿  
 存耳及指揮康泰反一如中言陳友諒圍豫章三月不  
 解 帝舉兵伐之召問中中對曰五十日當大勝亥子  
 之日獲其首領其戰必在南康 帝因命中從行舟次  
 孤山無風不能進中曰當祭之祭已風大作遂達彭蠡  
 湖常遇春與敵戰于康郎山被圍其勢甚危僉謂不可  
 救中曰亥時當自出如期果出連戰輒大勝初豫章受

圍 帝問何日圍解中曰當在七月丙戌既報至乃乙  
 酉蓋日官算曆是月常差一日實在丙戌解去其他奇  
 中往往類此為人稍介寡與人言嘗戴鉄冠人因號曰  
 鉄冠道人云

帝率常遇春等討陳理于武昌 帝至武昌馬步舟師水  
 陸並進既抵其城命遇春等分兵于四門立柵圍之又  
 于江中聯舟為長塞以絕其出入之路分兵徇漢陽德  
 安州郡於是湖北諸郡皆來降

十二月丙申 帝發武昌至建康命常遇春總督諸將守  
 營柵諭之曰彼猶孤狍處牢中欲出無由又當自服若



來衝突慎勿與戰但堅守營柵以困之不患城不下也  
甲辰春正月 帝建國號曰吳時李善長徐達等屢表勸  
進 帝曰戎馬未息瘡痍未蘓天命難必人心未定若  
遽稱尊號誠所未遑今日之議且止俟天下大定行之  
未晚羣臣固請不已乃卽吳王位置中書省官屬以李  
善長爲右相國徐達爲左相國常遇春俞通海爲平章  
政事汪廣洋爲右司郎中張昶爲左司郎中諭達等曰  
卿等爲生民計推戴予然建國之初當先正紀綱元氏  
昏亂紀綱不立主荒臣專威福下移由是法度不行人  
心渙散遂至天下騷亂今將相大臣當鑒其失宜協心  
爲治以成功業毋苟且因循徒取克位而已

二月武昌城東南有高冠山下瞰城中 帝問諸將誰能  
奮此傅友德請行遂率數百人一鼓奪之城中益喪氣  
後數日 帝乃遣友諒舊臣羅復仁入城諭陳理及張  
定邊等曰理若來降當不失富貴復仁因請曰主上推  
好生之仁惠此一方使陳氏之孤得保首領而臣不食  
言臣雖死不憾矣 帝曰吾兵力非不足所以久駐此  
者欲待其自歸免傷生靈耳汝行必不汝誤復仁至城  
下號哭理驚召之入復相持痛哭哭止問故復仁諭以  
帝意詞旨懇切理與定邊等遂請降癸丑陳理銜璧肉

祖率其太尉張定邊等出降理至軍門俯伏戰慄不敢  
仰視 帝見其幼弱起摯其手曰吾不爾罪勿自懼也  
命宦者入其宮傳命慰諭友諒父母凡府庫儲蓄令理  
悉自取之遣其文武官僚以次出門妻子資裝皆俾自  
隨王師圍武昌凡六閱月而降士卒無敢入城市井晏  
然城中民飢困 帝命給米賑之召其父老復撫慰之  
民大悅於是漢沔荆岳郡縣相繼降

乙卯立湖廣行中書省以樞密院判楊璟爲叅政 帝發  
武昌命常遇春發遣陳理官屬赴建康三月 帝至建  
康封陳理爲歸德侯

四月 帝退朝與孔克仁等論前代成敗因曰秦以暴虐  
寵任邪佞之臣故天下叛之漢高起自布衣能以寬大  
駕馭羣雄遂爲天下主今天下之勢不然元之號令紀  
綱已廢弛矣故豪傑所在蠶起然皆不知修法度以明  
軍政此其所以無成也因感嘆久之又曰今天下河北  
有孛羅帖木兒河南有擴廓帖木兒關中有李思齊張  
良弼然有兵而無紀律者河北也稍有紀律而兵不振  
者河南也道路不通餽餉不繼者關中也江南則惟我  
與張士誠耳士誠多奸謀而尚間諜其御衆尤無紀律  
我以數十萬之衆固守疆土修明軍政委任將帥俟時

而動其勢有不足平者克仁頓首曰主上神武當定天下于一今其時矣

八月先是帝命平章常遇春會鄧愈及金大旺討江西土流未附州郡遇春等率兵討新淦之沙坑麻嶺牛陂諸寨平之執僞知州鄧志明送建康伏誅進次吉安時故陳友諒知院饒鼎臣守吉安遇春遣人謂之曰吾今往取贛可出城一言而去鼎臣怖懼不敢出遣其幼子出見遇春命坐而飲之又贈以衣服遣歸曰歸語而父將欲何爲匿而不見吾往矣不能爲爾留可善自爲計鼎臣卽夜棄城走安福遇春遂復吉安乃引兵趨贛州

故陳友諒平章姜珏聞友諒已敗遣人來朝帝以書慰之曰王尚書劉太監至言爾慷慨磊落摠誠歸附予甚嘉之古云識時務者在乎俊傑今足下知天命之有歸審人心之有屬以所部全疆來歸其誠可以格天其義可以感人其惠可以及百姓視彼不知天命不達事機徒欲驅赤子于鋒鏑而卒取敗亡者豈不大相遠哉且荊州自昔戰爭之地今不煩干戈而民獲生全足下之功不少矣尚當益修乃職慎固封守輯寧軍民以副予倚注之意珏得書猶豫先遣妻子遁去至是勢窮自詣達乞降且曰當死者珏耳百姓無辜達善其言下令安



輯居民禁民侵擾列郡聞之望風歸附改江陵爲荊州府

十月己未張士誠丞相張士信以兵侵長興守將耿炳文破之獲其元帥宋興祖士信恚怒復益兵圍長興是月辛巳命平章湯和率師救長興湯和師至士信以兵拒戰自己至申我師內外夾擊敗之虜其士卒八千餘人獲馬五百餘匹湯和師還

乙巳春正月常遇春兵至贛州熊天瑞固守不下 帝命平章彭時中以兵會遇春等兵擊之又命中書右司郎中汪廣洋叅謀軍事諭廣洋曰汝至贛如城未下可與

遇春等言能天瑞固處孤城猶籠禽阱獸豈能逃逸但恐城破之日殺傷過多要當以保全生民爲心一則可以爲國家用一則爲未附者勸且如漢將鄧禹不妄誅殺得享高爵子孫昌盛此可爲法向者鄱陽湖之戰陳友諒旣敗生降其兵至今爲我用縱有逃歸者亦非之民我前克湖廣禁軍士毋入城故能全一郡之民苟得郡無民何益廣洋至贛見遇春等傳 帝命時天瑞拒守益堅遇春乃浚濠立柵以困之遇春圍贛州久以帝命勿殺欲困服之天瑞子元震竊出覘兵勢遇春亦從數騎出猝與相遇元震來襲遇春遣將士揮刀擊之

元震奮鉄搥以拒遇春曰壯男子也舍之至是天瑞援  
絕糧盡遣元震出降天瑞亦詣軍門盡獻其地遇春送  
天瑞建康 帝聞遇春克贛不殺喜甚遣使褒諭之左  
相國徐達遣千戶胡海洋取寶慶守克之元守將唐隆  
道遁去於是靖州軍民安撫司及諸長官司皆來降達  
等賞賚而遣之 帝以湖湘旣平命達班師還京  
贛州饒州南雄悉降胡深取福建浦城崇安建陽陳友定  
守將屯兵四萬于錦江深還兵擊之友定率銳卒逆戰  
深馬蹶被阮德柔所執死之

五月乙亥我師克安陸遂克襄陽先是 帝命遇春往取

安陸及襄陽諭之曰堅城之下難以猝攻緩之則頓三  
軍之銳氣急之恐驅人以冒矢石宜相機招徠以輯寧  
其民復調江西行省右丞鄧愈爲湖廣平章政事領兵  
繼其後

帝嘗與徐達常遇春論襄漢形勢謂曰安陸襄陽跨連荆  
蜀乃南北之喉襟英雄所必爭之地今置不取將貽後  
憂况沔陽新附城中人民多皆陳氏舊卒壤地相鄰易  
于煽動辟之樹木安陸襄陽爲枝沔陽爲幹幹若有損  
枝葉亦何有焉今宜增兵守沔陽而出師取安陸襄陽  
庶幾不失其宜至是遂命遇春將兵以往

丁酉我師至安福漢故將饒鼎臣恣肆剽掠元帥王國寶子潰之鼎臣中弩死

壬子我師克溫之樂清擒方國珍鎮撫周清等械送建康命戍常州

丁巳命降將張德山歸襄陽招徠未附山寨帝諭之曰自古豪傑識幾于未形故夏將亡而終古先奔于商殷將亡而向藝先歸于周若待其迹之著見而後來歸者此常人非豪傑也汝能守存亡之機推誠歸我實有可嘉汝之才如美箭利鏃必善射者用之庶不枉其才倘付之于不言射者豈不重可惜哉今令爾歸襄陽招徠未附當曉以大義告以成敗之由俾知所以尚存能全衆而來功亦不細矣因厚賜而遣之

乙丑蒙古思州宣撫使兼湖廣行省左丞田仁厚遣其都事林憲萬戶張思溫來獻鎮遠吉州軍民二府婺川功水常寧等十縣龍泉瑞溪沿河等三十四州皆其所守地也于是命改宣撫司爲思南鎮西等處宣慰使司以仁厚爲宣慰使

閏十月辛丑命左相國徐達平章常遇春等取泰州戊辰我師克永新執周安等送建康伏誅

徐達常遇春克秦州虜張士誠將嚴再興夏思忠張士俊

等凡十四人卒五千馬一百六十餘匹以所俘五千人  
送建康報捷復以守城事宜爲請帝遣使諭達新舊  
二城自度可否以便宜處之其未下諸城宜乘勝進取  
丙午二月甲申大將軍馮勝等襲破虜騎于慶州

三月取高郵四月取淮安安豐諸路及濠泗徐穎諸州  
帝遣使以書諭徐達曰近大軍下高郵可乘勝取淮安  
兵不在衆當擇取精者而用之宜以步騎一萬五千舟  
師一萬水陸並進勿失機也其餘軍馬悉令常遇春統  
之令守泰州海安應援江上徐達兵至淮安張士誠將  
徐義軍在馬騾港夜率兵往襲之破其水軍義泛海遁

去其右丞梅思祖副樞唐英蕭成籍軍馬府庫出降達  
令指揮蔡仙華雲龍守其城戊午徐達率兵取興化先  
是帝命達圖泰州興化海安通州高郵山川地形要  
害進覽見瓠子角爲興化要地寇兵所出之路令達以  
兵絕其隘達如旨進兵遂取興化淮地悉平

淮安降將梅思祖等至建康帝諭之曰汝等多故趙均  
用部曲往往皆受重名繼歸張氏復食其祿今來歸我  
寧無舊主之思乎思祖等對曰草昧之際誠欲擇豪傑  
以自附今幸去彼而從主上猶出昏暗覩天日豈敢有  
反覆乎帝曰汝豈真知我之可附哉思祖等曰臣觀

主上睿達大度英明果斷推赤心以任人輟衣食以賞士令行禁止真命世之主臣等誠得所歸

元徐州守將樞密院同知陸聚聞徐達已克淮安以徐宿二州詣達軍請降事聞 帝甚喜以聚爲江淮行省叅攻仍守徐州賜文綺三十匹白金三百兩勞之

乙未命朱文忠帥師攻杭州 帝諭朱文忠曰徐達等取姑蘓張士誠必集兵以拒今命汝攻杭州是掣制之也我師或衝其東或擊其西使其疲于應戰其中必有自潰者爾往宜慎方略

十一月左丞廖永忠叅政薛顯將游軍至湖州之德清遂取之獲舡四十艘擒其院判鍾正張士誠自徐志堅兵敗懼甚乃遣其右丞徐義至舊館覘形勢將還報常遇春以兵扼其歸路義不得出士誠遣赤龍舡兵屯于平望復乘小舟義始得脫與潘元紹率赤龍舡兵屯于平望復乘小舟潛至烏鎮欲援舊館遇春由別港追襲之至平望縱火焚其赤龍舡軍資器械一時俱盡衆軍散走自是張氏舊館兵援絕饋餉不繼多出降壬子常遇春兵敗烏鎮士誠將徐義潘元紹拒戰不勝復退走遇春追至昇山遂攻破其平章王晟六寨是夕王晟亦降戊寅徐達復攻昇山水寨顧時引數舟繞士誠兵舡舡上人俯視而

笑時覺其懈率壯士數人躍入其舟大呼奮擊餘舟競  
進薄之士誠五太子盛兵來援常遇春稍却薛顯率舟  
師直前奮擊燒其舡其衆大敗其五太子及朱暹呂珍  
等以舊館降得兵六萬人遇春謂薛顯曰今日之戰將  
軍之力居多吾固不如也五太子者士誠養子也本姓  
梁短小精悍能平地躍起丈餘又善沒水朱暹呂珍亦  
善戰士誠倚之至是皆來降士誠爲之奪氣十一月甲  
申徐達遣馮國勝以降將呂珍王晟等徇于湖州城下  
語李伯昇出降伯昇欲自殺爲左右抱持得不死其左  
丞張騏總管陳昧等以城降伯昇亦降

十一月朱文忠率指揮朱亮祖耿天璧攻桐廬降其將戴  
元師復遣袁洪孫虎略富陽擒其同僉李天祿遂合兵  
圍餘杭遣人語謝五曰爾兄以李夢庚小隙歸于張氏  
非爾謀也爾乃我之戚臣若降可保不死仍享富貴謝  
五答曰我誠誤計若保我以不死我卽降文忠許之乃  
與弟姪五人出降文忠遂進兵杭州未至張士誠平章  
潘原明懼遣員外郎方彝詣軍門請納款將杭州土地  
人民及諸司軍馬錢糧之數以獻文忠至杭州潘原明  
及同僉李勝奉士誠所授行省及樞密院浙西江東兩  
道廉訪印并執蔣英劉震出降伏謁道左以女樂導文

忠叱去之進原明等宣 帝命慰諭之禁戢士卒城中  
晏然文忠復以兵攻紹興華雲龍攻嘉興皆下之

十二月徐達既下湖州卽引兵向姑蘓至南潯張士誠元  
帥王勝降辛卯至吳江州圍其城叅政李福知州楊彝  
降癸卯徐達等兵至姑蘓擊士誠將竇義走之康茂才  
至尹山橋遇士誠兵又擊敗之焚其戰舡千餘艘及積  
聚甚衆遂圍城達軍葑門常遇春軍虎丘郭子興軍婁  
門華雲龍軍胥門湯和軍閶門王弼軍盤門張溫軍西  
門康茂才軍北門耿炳文軍城東北仇成軍城西南何  
文輝軍城西北 一面築長圍困之又架木塔與城中浮

屠對築臺三層下瞰城中名曰敵樓每層施弓弩火鏡  
于上又設襄陽礮以擊之城中震恐有楊茂者無錫莫  
天祐部將也善浚水天祐潛令入姑蘓與士誠相聞邏  
卒獲送達軍達釋而用之時姑蘓城堅不可破天祐又  
阻兵無錫爲士誠聲援達因縱茂出入往來得其彼此  
所遺蠟丸書悉知士誠天祐虛實而攻困之計益備

帝特命指揮傅友德領軍三百出哨濟寧以警中原賜友  
德宴葉國珎陪飲撥與歌妓十餘人 帝令內官覘友  
德國珎領妓婦脫去皂冠皂褶子穿華麗衣服混坐  
帝怒令拘執國珎與妓婦連鎖于馬坊剗去鼻葉國珎

國朝典彙卷一  
稱說死則死何得與賤人同鎖 帝曰爾不遵我分別  
貴賤故以此等賤人辱之鞭訖發瓜州領填夫後釋之  
定以明年爲吳元年

吳元年九月 帝以徐達之圖姑蘇久不下乃以書遺張  
士誠諭以畏天順民全身保族若漢之竇融宋之錢俶  
毋爲困守孤城危其兵民自取敗亡爲天下笑士誠不  
報士誠被圍旣久欲突圍以戰覘城左方見陣嚴整不  
敢犯欲掩襲我軍轉至閭門將奔常遇春營遇春覺其  
至分兵北濠截其兵復遣兵與鬪戰良久未決士誠復  
遣叅政黃哈喇八都等兵千餘人助之又自出兵山塘

爲援山塘路狹塞不可進麾令稍却遇春撫王弼背曰  
軍中皆稱爾爲猛將能爲我取之乎 弼應曰諾卽馳鉄  
騎揮雙刀往擊之敵衆稍却遇春因率衆乘之士誠兵  
大敗人馬溺死沙盆潭甚衆士誠馬驚墮水幾不救肩  
輿入城計忽忽無所出壬子士誠復率兵突出胥門索  
戰鋒甚銳遇春禦之兵稍却士誠弟士信方在城樓上  
督戰忽大呼曰軍士疲矣且止且止遂鳴金收軍遇春  
因乘勢奮擊大破之追至城下攻之益急復築壘迫其  
城自是士誠不復得出矣士信張幙城上踞銀椅與叅  
政謝節等會食左右方進桃未及嘗忽飛礮碎其首而



國朝典彙卷一  
開國  
死時城圍既久熊天瑞教城中作嚴礮以擊我師多所  
中傷城中木石俱盡至折祠廟民居爲礮具徐達令軍  
中架木若屋狀承以竹笆軍伏其下載以攻城矢石不  
得傷至是達督將士破葺門常遇春亦破閶門新寨遂  
率衆渡橋進薄城下其樞密唐傑登城拒戰士誠駐軍  
門內令叅政謝節周仁立柵以補外城傑知不能敵投  
兵降周仁徐義潘元紹及錢叅政皆降晡時士誠軍大  
潰諸將遂蟻附登城城已破士誠猶使副樞劉毅收餘  
兵尚二三萬親率之戰于萬壽寺東街復敗劉毅降士  
誠倉惶歸從者僅數騎士誠見兵敗謂其妻劉氏曰我

敗且死矣若曹何爲劉氏曰君勿憂妾必不負君乃積  
薪齊雲樓下及城破驅其群妾侍女登樓趣其自盡令  
養子辰保縱火焚之劉氏遂自縊死士誠獨坐室中左  
右皆散走達遣士誠舊將李伯昇至士誠所諭意時日  
已暮士誠距戶經伯昇決戶令降將趙世雄抱解之氣  
未絕復蘓達又令潘元紹以理曉之反覆數四士誠瞑  
目不言乃以舊盾昇之出葺門途中易以戶扉昇至舟  
中凡獲其官屬皆送建康士誠在舟中閉目不食至龍  
江堅臥不肯起昇至中書省相國李善長問之不語已  
而士誠言不遜善長怒罵之帝欲全士誠而士誠竟

自縊死賜棺以葬之叛將熊天瑞伏誅

帝平僞周見周伯琦伏張士誠後問爲誰對曰前元叅政周某帝日元君寄汝心膂乃資賊以亂耶伯琦惶恐不能荅先賜三日大醉以酌其功後殺之

平章胡廷瑞率師攻無錫州守將莫天佑以城降

朱亮祖兵至台州城下方國瑛走黃巖遂克之下僊居

諸縣

九月方國珍旣入貢復陰泛海北通元擴廓帖木兒南交陳友定王師討姑蘇而國珍擁兵坐視實假貢獻覬勝敗爲叛服計帝以國珍反覆貽書數其十二過國珍得書不報復以書諭之曰汝初納款謂杭城下卽獻土

來歸此汝左右之士共保富貴之良謀也豈意汝懷奸挾詐陽降陰叛數相愚弄張士誠與汝壤地相接取爾甚易然所以不敢加兵於汝者以吾力能制之懼吾聲援汝故得安處海隅坐享三郡之富貴是我大庇于汝也汝乃自爲不祥背棄信義時遣奸細覘我動靜潛結陳友定以旨相援彼自救不暇何能救人汝何惑之甚也今明以告汝吾兵下姑蘇卽南取溫台慶元水陸並進無能禦也汝早于此時改過效順能盡以小事大之義猶可保其富貴以貽子孫以及下人如其不然集三郡之兵與我一較勝負亦大丈夫之所爲不然舍三郡

之民爲偷生之計揚帆乘舟竄入海島吾恐子女玉帛  
反爲汝累舟中自生敵國徒爲豪傑所笑也非分之恩  
不可數得汝宜慎思之方國珍大懼爲汎海計至是命  
朱亮祖湯和吳去疾帥師討之  
十月命中書平章胡廷瑞爲征南將軍江西行省左丞何  
文輝爲副將軍率師取福建以湖廣叅政趙德隨征命  
湖廣平章楊璟左丞周德興叅政張彬率師取廣西  
帝諭廷瑞曰汝以陳氏丞相來歸事吾數年忠實無過  
故命汝總兵往取福建何文輝爲汝之副湖廣叅政戴  
德從汝調發二人皆吾親近之人勿以此故廢軍政凡

號令征戰一以軍法從事吾昔徵時在行伍中見將帥  
統馭無法心竊鄙之及後握兵柄所領一軍皆新附之  
士一日驅之野戰有二人犯令卽斬以徇衆皆股栗莫  
敢違吾節度人能立志何事不可爲聞汝往年嘗攻閩  
中必深知其地理險易今總大軍進征凡攻圍城邑必  
擇便利可否爲之進退無失機宜克定之功全賴于汝  
復諭璟等曰南方之地皆入版圖惟淮北山東尚未寧  
一兩廣八閩尚未歸附已命丞相徐達平章常遇春等  
北定中原平章胡廷瑞分道南征以取八閩俟八閩旣  
定就以其師航海趨廣東故命爾等率荆湘之衆進取

廣西兩軍合勢何征不克何堅不摧爾其務靖亂止暴撫綏順附使遠人畏服懋建乃勛毋替予命

十一月己丑命平章廖永忠爲征南副將軍帥師自海道會湯和討方國珍遂克之國珍部將徐元帥李僉院等率所部詣湯和降國珍見諸將叛不得已于是亦遣郎中承廣員外郎陳永奉書于湯和乞降已而又遣其子明克明則從子明鞏等納其省院及諸銀印銅印二十六并銀一萬兩錢二千緡于和丙申朱亮祖兵至黃岩方國瑛及其兄子明善率家來降送之建康國珍子明完奉降表至 帝始怒其反覆及覽表憐之乃賜書曰

昔汝外示歸誠中懷詭詐吾始容之待汝自効豈汝行小智愈肆奸宄竟背前盟致勞我師汝尚不卽稽首歸命逃于海上猶觀望成敗今勢窮來歸詞甚哀懇吾當以汝此誠爲誠不以前過爲過汝勿自疑率衆來歸悉從原宥方國珍及弟國珉率部屬謁見湯和于軍門得其部卒九千二百人水軍一萬四千三百人官吏六百五十人馬一百九十四匹海舟四百二十艘糧一十五萬一千九百石他物稱是繼而元昌國州達魯花赤濶里吉思亦來降得糧六萬九千石馬五十四匹艇四百八十二艘送國珍等赴京入見 帝諭之曰汝獻款已久何

爲反側復勞征伐國珍頓首曰臣遭多艱逃死海上終期歸附聖明以全首領不意又勞王師然此非出臣心實群小所誤是以至此惟陛下哀其愚特赦其死罪

帝曰草昧之時英雄角逐人孰不欲有爲亦誰能識帝王之有真者其爲去就安能無所齟齬爾之所爲亦何足責朕惟赤心待汝其自安勿用懷疑國珍頓首謝以爲廣西行省左丞不之官食祿居京師

十二月癸丑中書省左相國李善長等奉表勸進先是善長等勸帝卽帝位帝未之許善長等力請曰陛下起濠梁不階尺土遂成大業四方羣雄剗削殆盡遠

近之人莫不歸心誠見天命所在願早正位號以慰臣民之望帝曰我思功未覆于天下德未孚于人心一統之勢未成四方之塗尚梗若遽稱大號未愜輿情自古帝王之有天下知天命之已歸察人心之無外猶且謙讓未遑以俟有德常笑陳友諒初一得隅妄自稱尊志驕氣盈卒致亡滅貽譏于後吾豈得更自蹈之若天命在我固自有時無庸汲汲也至是復率文武百官奉表勸進曰開基創業旣宏盛世之輿圖應天順人正宜大君之寶位蒼生成仰紅日方升蓋聞以道化民者謂之皇以德教民者謂之帝惟首出于庶物用光建于鴻

名由是繼百王而立國家定四海而總綱紀事聞在昔  
運際當今欽惟 殿下智勇自天聰明冠世掃除六合  
之風塵拯救兆民于水火擁樓航而西上孺子奉璽而  
出迎命將帥以東征僞主束身而受縛由是天下歸赴  
若江漢之朝宗邦域肇隆如金湯之鞏固旣膺在躬之  
曆數必當臨御于宸居上以答于天心下以符于人望  
俯從衆請早定尊稱臣善長等爰順群情躬自勸進對  
明廷而虎拜翊聖王之龍飛發政施仁參贊兩間之化  
育制禮作樂開拓萬世之太平謹奉表勸進以聞 帝  
曰始吾卽王位亦不得已勉從衆言今鄉等復勸卽帝

位吾恐德薄不足以當之群臣皆頓首請曰天生聖人  
以爲民主 殿下之卽王位天命已有歸矣今又三四  
年若不正大位何以慰天下臣民之望昔漢高帝旣誅  
項藉羣下勸進亦不違其請今 殿下除暴亂救生民  
功塞宇宙德協天人天命所在誠不可違臣等敢以死  
請 帝固却之明日善長等復請曰 殿下謙讓之德  
著于四方感于生民願爲天下計早徇群臣之請 帝  
曰中原未平軍旅未息吾意天下大定然後議此而卿  
等屢請不已此大事斟酌禮儀而行不可草草

戊午敕征南將軍湯和副將軍廖永忠帥舟師自海道取

福州 帝御戟門與大都督府臣諭各處用兵曰胡廷  
瑞已得邵武今命湯和又從海上取福州其勢必得既  
得福建當留兵守要害俾由海道取廣東楊璟兵取廣  
西既克就以其兵西取蜀中原赤地千里人民艱食軍  
馬所經糧餉最急當令往徐邳運糧兵精糧足所向必  
克卿等以爲何如皆曰善

初陳友定環福州城外皆築壘爲備每五十步更築一臺  
嚴兵守之聞我師入杉關乃留同僉賴正孫副樞謝英  
輔院判鄧益以衆二萬守福州友定自率精銳守延平  
以拒時湯和等舟楫自明州乘東北風徑抵福州之五

虎門駐師南臺河口遣人入城招諭爲元平章曲出所  
殺我師登岸將圍城曲出領衆出南門拒戰指揮謝得  
成等擊敗之衆潰入城拒守是夜叅政袁仁密遣人納  
款黎明我師于臺蟻附登城遂開南門和擁兵入鄧益  
拒戰于水部門擊殺之正孫英輔自西門出走延平曲  
出搭海木兒杭者不花左丞鄧住中丞鉄木烈思等皆  
懷印綬孳妻子遁去叅政尹克仁赴水死時僉樞栢鉄  
木兒居官聞大軍攻城急曰戰守非我得爲無以報國  
乃積薪樓下殺其妻妾及兩女縱火焚之遂自剄湯和  
入省署撫輯軍民獲馬六百三十九匹海舟一百五艘

國朝史記卷一  
開國  
三十九  
糧一十九萬九千五百餘石金一千四百五兩銀二萬  
四千餘兩胡椒六千三百餘斤和遣袁仁暨員外余善  
招諭興化漳泉諸路其福寧等州縣未附者分兵略之  
辛酉中書省左相國李善長率禮官進卽位禮儀

甲子 帝將命諸將北伐謂達等曰自元失其政君昏臣  
悖兵戈四興民墜塗炭予與諸公仗義而起初爲保身  
之謀冀有莫安生民者出豈意大難不解爲衆所附乃  
率衆渡江與群雄相角逐遂平陳友諒滅張士誠闖廣  
之地將以次而定尚念中原擾攘人民離散山東則有  
王宣父子狗偷鼠竊反側不常河南則有王保保名雖

尊元實則跋扈擅爵專賦上疑下叛關隴則有李思齊  
張思道彼此猜忌勢不兩立且與王保保互相嫌隙元  
之將亡其機在此今欲命諸公北伐計將何如鄂國公  
常遇春對曰今南方已定兵力有餘直擣元都以我百  
戰之師敵彼久逸之卒挺竿而可以勝也都城旣克有  
破竹之勢乘勝長驅餘皆建瓴而下矣 帝曰元建都  
百年城守必固若如卿言懸師深入不能卽破頓于堅  
城之下餽餉不繼援兵四集進不得戰退無所據非我  
利也吾欲先取山東撤其屏蔽旋師河南斷其羽翼拔  
潼關而守之據其戶檻天下形勢入我掌握然後進兵




元都則彼勢孤援絕不戰可克既克其都鼓行而西雲中九原以及關隴可席卷而下諸將皆曰善帝顧謂信國公徐達曰兵法以廟筭勝者得筭多也卿其識之于是命達爲征虜大將軍遇春爲征虜副將軍率甲士二十五萬由淮入河北取中原復召諸將諭之曰征伐所以奉天命平禍亂安生民故命將出師必在得人今諸將非不健鬪然能持重師有紀律戰勝攻取得爲將之體者莫如大將軍達當百萬之衆勇敢先登摧鋒陷陣所向披靡莫如副將軍遇春然吾不患遇春不能戰但患其輕敵耳吾前在武昌親見遇春纔遇數騎挑戰卽輕身赴之彼陳氏如張定邊者何足稱數尚據城指揮遇春爲大將顧與小校爭能甚非所望切宜戒之若臨大敵遇春須領前鋒或敵勢強則遇春與叅將馮宗異分爲左右翼各將精銳以擊之右丞薛顯叅政傅友德皆勇略冠諸軍可各領一軍使當一面或有孤城小敵但遣一將有胆略者付以總制之權皆可成功達則專主中軍策勵羣帥運籌決勝不可輕動古云將在軍君不與者勝汝等其識之又諭達曰闔外之事汝實任之茲行必自山東次第進取山東古云十二山河之地師行之際須嚴部伍明分數一衆心審進退之機適通

變之宜戰必勝攻必取我虛而彼實則避之我實而彼  
 虛則擊之將者三軍之司命立威者勝任勢者強威立  
 則士用命勢重則敵不敢犯吾與諸豪傑並馳觀其取  
 敗者未有不由威不立而勢輕也汝其任之又諭友德  
 曰此行汝當努力昔漢高祖與項羽爭衡彭越宣力山  
 東今用師自山東始汝其勉之是日帝親祭上下神  
 祇于北門之屯里山祝畢復大召諸將士諭之曰今命  
 爾諸將各率所部以定中原爾等師行非必略地攻城  
 而已要在削平禍亂以安生民凡遇敵則戰若所經之  
 處及城下之日勿妄殺人勿奪民財勿毀民居勿廢農  
 具勿殺耕牛勿掠人子女民間或有遺棄孤幼在營父  
 母親戚來求者即還之此陰騭美事好共為之

壬子取沂州嶧州益都

丁未取般陽濟寧萊州濟南東平大都督同知汪與祖率  
 師至東平元平章馬德棄城遁與祖遣指揮常守道千  
 戶許秉進至東阿元叅政陳瑩以所部五萬餘人降秉  
 復以舟師趨安山鎮元右丞杜天祐左丞蔣興以衆降  
 孔希學者孔子五十六世孫也聞大軍至率曲阜縣尹  
 孔希舉鄒縣簿孟思諒等迎見與祖於軍門與祖禮之  
 於是兗州以東州縣皆降以希學襲封衍聖公



洪武元年戊申正月乙亥 帝祀天地於南郊卽皇帝位  
大赦天下詔曰朕惟中國之君自宋運旣終天命真人  
於沙漠入中國爲天下主傳及子孫百有餘年今運亦  
終海內疆土豪傑分爭朕本淮右庶民荷 上天眷顧  
祖宗之靈乘逐鹿之秋致英賢於左右凡兩淮兩浙江  
東江西湖湘漢沔閩廣山東及西南諸郡蠻夷各處寇  
攘屢命大將軍與諸將校奮揚威武已皆戡定民安田  
里今文武大臣百司衆庶合辭勸進尊朕爲皇帝以至  
黔黎勉狗輿情於吳二年正月初四日告祭 天地於  
鍾山之陽卽皇帝位於南郊定有天下之號曰大明以

吳二年爲洪武元年是日恭詣 太廟追尊四代考妣  
爲皇帝皇后立 大社大稷於京師以冊寶立妃馬氏  
爲皇后長子標爲皇太子布告天下咸使聞知

蒙古興化守將葉萬戶棄州遁耆民李子成率衆詣湯和  
降和遣都指揮俞良輔往守之於是莆田等十三縣相  
繼皆降遂移師進攻延平

征南御史胡廷美 卽廷瑞以避  
御字改今名 副將軍何文輝率師至建

寧元守將同僉達里麻叅政陳子琦備禦甚堅廷美等  
進圍之數與挑戰達里麻等固守不出我師環其四門  
攻之益急達里麻不能支夜潛至文輝營納款詰旦總

管翟也先不花亦降廷美怒二人不詣已欲屠其城文  
輝止曰吾與公同受命至此爲安百姓耳今城降欲以  
私忿殺人可乎廷美遂止乃整軍入申嚴號令毫髮無  
所犯執陳子琦送京師獲將士九千七百九十餘人馬  
二百餘匹銀萬餘兩糧十萬石命指揮費子賢領兵守  
之

湯和克延平執蒙古平章陳友定送京師先是帝遣使  
招諭友定友定大會諸將殺死者置血酒甕中慷慨飲  
之誓衆死守至是我師隔水而陣分一軍渡水攻其西  
門友定嚴飭軍校巡城晝夜不息急諸將出戰友定不

許數請不已友定乃疑其部將蕭院判劉守仁有携貳  
心卽收其兵柄殺院判守仁知事急來奔士卒多踰城  
夜遁自始圍凡十日適城中軍器局失火砲聲亂發我  
兵疑其內叛遂併力攻城友定見勢窮蹙乃與副樞謝  
英輔參政文殊海牙訣曰大事已去吾無以報國家惟  
有死耳公等宜自勉乃退於省堂按劍仰藥飲之達魯  
花赤白哈麻具服北面泣拜與謝英輔皆自縊死賴正  
孫等夜開門出降黎明我師入城友定氣未絕遂昇之  
出水東門外值大雷雨復甦械送京師帝詰之曰元  
綱不振海內土崩天命更革豈人力所能爲爾竊據偏

方負固逆命害吾叅軍殺吾使者陸梁勿服欲何爲哉  
友定曰事敗身亾惟有死耳尚有何言遂誅之

楊璟攻永州元兵大敗獲其萬戶丁武等千餘人馬百餘

二月楊璟遣千戶王廷將兵取寶慶王師先克寶慶尋爲  
元將周文貴所陷至是廷擊之文貴遁去城遂下

三月湯和遣使傳檄至漳州元達魯花赤迭理迷實具服  
焚香北面再拜持斧砍印章引刀自刎而死總制陳馬  
兒以城降湯和命指揮李執中守之

命平章廖永忠爲征南將軍叅政朱亮祖副之帥舟師由  
海道取廣東 帝諭之曰王者之師順天應人所以除

暴亂解倒懸以慰民望朕昔平定武昌荆湘諸郡皆望  
風欵附常遇春克贛州南安嶺南數郡亦相繼來歸此  
無他師出以律人心悅服故也今兩廣之地遠在南方  
彼此割據民困久矣定亂安民正在今日彼聞八閩不  
守湖湘已平中心震懾若先遣人宣布威德以招徠之  
必有歸欵迎降者可不勞師旅慎勿殺掠沮向化之心  
如其拒命舉兵臨之扼其險要絕其聲援未有不下者  
且廣東要地惟在廣州廣州旣下則循海州郡可傳檄  
而定海南海北以次招徠留兵鎮守仍與平章楊璟等  
合兵取廣西用師方略率用是道肅靖南服在此一舉

蒙古汀州路守將陳國珍及泉州郡縣皆降征南將軍胡廷美遣建寧降將曹復疇招諭汀州及寧化連城等縣守將陳國珍遂納款泉州郡縣聞之皆相繼降附章溢子存道部鄉兵五萬二千從湯和入閩閩平帝召存道以兵從海道北征溢持不可曰鄉兵農人耳始令入閩許以事平歸農今復用之是爽信也帝不懌而罷溢繼論奏曰其已入閩者俾還州里其昔嘗叛逆之民宜籍爲軍使北征一舉而恩威著矣帝喜曰孰謂儒者果迂闊哉非先生爲朕一行無能成茲事者溢受詔遂行

癸丑常遇春克東昌及所屬荏平等縣皆降

壬戌勅贛州衛指揮使陸仲亨帥師會廖永忠征廣東

帝諭之曰近命平章楊璟等由湖南取廣西平章廖永忠等由福建取廣東今特命爾等率師由韶州直擣德慶三方進師爲犄角之勢舉無不克廣東旣下合兵以取廣西先聲旣震勢如破竹但當撫輯生民毋縱殺掠丙寅徐達平樂安初樂安俞勝納款徐達禮而遣之勝旣歸陽爲附順陰實從元達乃遣其郎中楊子華等回樂安名爲造作軍器徵糧草實欲陰察其所以勝果拒命而叛達等遂進師平之

都督康茂才摠率步騎大軍往山東同大將軍徐達等伏取中原

三月徐達引兵遡黃河克永城歸德許州取汴梁

甲申徐達奏上所獲山東州縣卒馬糧鹽布絹總數凡獲

卒三萬二千除人馬一萬六千餘匹糧五十九萬七千

餘石鹽五萬三千餘引布絹八萬七百餘匹

陳州守將左君弼降楊璟等兵圍永州月餘不下璟乃分

兵進取全州元守將遁民以城降于是道州寧州桂陽

藍山常寧武崗守將皆降

廖永忠等率舟師自福州航海趨廣東先遣書招諭元分

省左丞何真或勸為尉佗計者輒斥絕之永忠等師至

潮州真上其印章并籍所部郡縣戶口兵馬錢糧奉表

歸附

夏四月朔廖永忠等師至東莞元將盧左丞張元帥聞何

真既附各率所部來降遂入廣州時偽叅政邵宗愚據

三山寨遣人約降遷延不至永忠知其詐乃發兵直抵

其寨破之獲宗愚及其黨皆斬馳檄諭海南海北諸郡

縣悉來歸

新會縣土豪黃彬河源縣曹文昌汲州廖仁等復聚眾作

亂自稱元帥永忠復捕誅之南海縣人麥康祖以魘魅

國朝史稿卷一  
三十一  
三十一  
蠱毒殺人又捕斬之廣州既平永忠遂進兵取廣西  
丙戌楊璟遣兵攻武岡州蒙古守將曾權以城降  
徐達師至陳橋左君弼竹昌迎降

陸仲亨率師略英德清遠連州肇慶等處進攻德慶元守  
將張鵬程棄城走廣東悉平

廖永忠上何真降表于京師 帝謂真保境安民不勞師  
旅先期來歸其視漢唐竇融李勣奚讓特召真乘傳入  
朝賜宴仍賜白金千兩文綺百匹將校各賜有差授真

江西行省叅政

楊璟等兵克永州引兵進攻靖江

今桂林府

命御史大夫鄧愈統領襄陽等衛官軍征取淮漢迤北未  
附州郡愈遣指揮王成吳復等攻唐州克之又取南陽  
生擒蔡國公史克新等二十七員軍士一千五百人

五月戊申徐達等率師自虎牢關進至河南塔兒灣元將  
詹同脫目帖木兒以兵五萬迎戰列陳于洛水之北十  
五里我軍旣成列副將軍常遇春單騎突入其陣敵發  
二十騎橫槊刺之遇春發一矢斃其先鋒彼軍奪氣達  
遂揮衆乘之俘斬無筭詹同脫目帖木兒將散卒走陝  
州達遂進營于河南城北門李克彝復走陝西于是河  
南行省平章梁土阿魯溫送款軍門河南平達命左丞



趙庸守之指揮任亮招撫嵩州壬子遇春率兵至嵩州  
守將李知院迎降甲寅入其城執其平章外兒等分兵  
取未附諸山寨進克陝州直抵潼關李思齊部將張德  
欽薛穆飛等拒戰馮勝先登擊敗之遂入潼關思齊棄  
輜重奔鳳翔我師遂取華州時陝西州郡皆李思齊張  
思道即張良弼二人所據徐達大軍克裕州執元守將平章  
郭雲時河南諸郡皆下雲獨守裕州累戰不克後以孤  
軍戰敗被執 帝嘉其忠義釋而用之

帝遣使諭都督同知馮宗異曰若克潼關勿遽乘勝而西  
今大將軍方有事北方宜選將留鎮守關以遏其援兵  
爾且率師回汴梁朕將躬往議之是日 車駕發京師  
幸汴梁時言者皆謂君天下者宜居中土汴梁宋故都  
勸 帝往視之且會大將軍謀取元都

馮宗異入潼關請益兵于徐達達調僉事郭子興等守潼  
關與宗異俱還河南

庚寅車駕至汴梁辛卯常遇春馮宗異至行在謁見 帝  
勞之曰大將軍與將軍率師北征不踰年平齊魯下河  
洛亦甚勞矣遇春頓首曰此 陛下威德所至臣等奉  
遵成筭得效驅馳臣等之幸也徐達尋自河南至見  
帝 帝勞之曰將軍帥師征討勤勞于外古人所謂忠

爾忘身國爾忘家誠將軍之謂也朕聞河朔之民日夕望吾師至將軍宜與諸將乘時進取而安輯之朕觀天道人事元都可不戰而克大丈夫建功立業各有其時揆時之會不失事機在將軍等勉之達等頓首謝既退帝復召問達今取元都計將安出達對曰臣自平齊魯下河洛王保保遠巡太原徒爲觀望今潼關又爲我有張良弼李思齊失勢西竄元之聲援已絕臣等乘勢搏其孤城必然克之帝據圖指示曰卿言固是然北土平曠利于騎戰不可無備宜選偏裨提精兵爲先鋒將軍督提水陸之師繼其後下山東之粟以給餽餉由秦趨趙轉臨清而北直擣元都彼外援不及內自驚潰可不戰而下達又曰臣慮進師之日恐其北奔將貽患于後必發師追之帝曰元起朔漠世祖始有中夏乘氣運之盛理自當興彼氣運旣去理固當衰其成其敗俱係于天縱其北歸天命厭絕彼自漸盡不必窮兵追之但其出塞之後卽固守疆圉防其侵擾耳達受命而退六月陳友定將金子隆馮谷保等糾合清流寧化散卒寇將樂勢甚猖獗守禦千戶宋國臣嬰城固守至是賊黨日衆攻城益急國臣以援兵不至棄城遁遂陷將樂殺知縣馮源主簿蘓兼善乘勝寇延平攻四鶴門指揮羅

花聚千戶李申擊却之復來攻指揮蔡玉率衆奮斬大  
敗其衆追至沙縣之青雲寨于隆等負險拒守建寧衛  
指揮使沐英遺兵夾攻破之擒谷保 帝以金子隆未  
平乃命平章李文忠率兵討之

癸丑楊璟等克靖江路先是周德興克全州卽分兵據靖  
江險要以絕其聲援至是璟與張彬合兵攻之元平章  
也兒吉尼督衆固守璟遣指揮丘廣攻奪其水隘朱亮  
祖亦自平樂率衆來會攻益力也兒吉尼勢窮出戰指  
揮胡海擊敗之獲其萬戶皮彥高璟因使彥高陰購其  
把水元師張榮榮麾下裴觀以書射璟營約降漏下二

鼓觀縋城出見璟備言儲積空虚人無固志可立取之  
狀璟乃給白皮帽百餘使歸爲識約四鼓從寶賢門入  
至期璟命諸將率衆徑進也兒吉尼倉皇出走追執之  
璟下令禁止侵掠復遣兵攻下柳州招諭兩江溪峒

秋七月廣西左江太平土官黃英衍右江田州上官岑相  
顏等遣使齎印章詣楊璟軍門降

帝親畫征進圖遣使授徐達各衛糧船俱赴濟寧餽運  
都督康茂才兵至河北安邑夏縣皆降

元郴州守將左丞楊以誠詣平章楊璟營降

帝在汴梁復勅徐達乘機進取宜調益都徐州濟寧諸將

國朝典彙卷一  
開國  
十一  
悉會東昌以俟征進

元平章阿思蘭自全州之敗退保象州廖永忠遣指揮耿元璧等追擊之思蘭乃率所部詣永忠獻銀印三銅印三十七金牌五廣西悉平

帝將發汴梁徐達等自陳橋入辭 帝諭之曰朕與卿等率衆渡江誓除亂以安天下前代革命之際兵戈相加肆行屠戮朕實不忍爾諸將帥當以爲戒克城之日毋擄掠毋焚蕩毋妄殺人必使市不易肆民皆拔堵凡元之宗戚皆善待之庶幾上答天心下慰人望以成朕伐罪救民之志有不恭者必罰無赦車駕發汴梁還京師以馮勝爲右副將軍守汴

閏七月遣使犒北征將士徐達等率師發汴梁次安丘遣薛顛傅友德分布士馬自中灤渡河取衛輝元守將龍二棄城走彰德徐達師至彰德龍二復出走其部將楊義卿以船八十艘來降遂下磁州進攻廣平元平章周昱先棄城遁邯鄲縣令都文玉率耆老降遂克趙州徐達師次臨清遣人持檄詣東昌趣張興祖華雲龍各率兵來會

傅友德游騎獲元將李寶臣張處仁遂以爲嚮導徐達因遣傅友德開道以通步騎顧時浚閘以通舟師韓政孫

興祖俱以師會臨清徐達命韓政守東昌鎮撫臨清達率馬步舟師北至德州常遇春張興祖俱以師會徐達師至長蘆元守將遁去命指揮費子賢等守之復諭分兵守青州

徐達師至直沽獲海州七艘作浮橋以濟師又令常遇春張興祖各率師水陸並進元丞相也速等捍禦海口望風奔遁師至河西務元平章俺普率兵迎敵我師與戰大敗之擒其將校三百餘人俺普等悉遁師至通州元將五十八國公出戰我伏兵中起斬首數千級擒元宗室梁王孛羅遂克通州元主聞之遂集三宮後妃太子夜從建德門北遁上郡

八月庚午徐達師至燕都齊化門填壕登城而入執其監國宗室淮王帖木兒丞相慶童平章迭兒左右丞張康伯丁敬等戮之獲玉印二玉璽一封其府庫圖籍珍寶及宮殿等門以兵守之宮人妃主令其宦寺護侍號令士卒無行侵暴人民按堵市不易肆

明日順德守將吉右丞胡叅政鄭叅政皆自西山來降武德衛軍校獲前樂安逃將俞勝及南叅政張郎中等達遣指揮鄧捍赴京獻捷仍命右丞薛顯叅政傅友德平章曹良臣都督副使顧時將兵偵邏古北諸隘口

徐達遣使獻平元都捷表至京師遂詔天下

九月甲子徐達常遇春傅友德等率兵取未下州郡張

典祖下永平乙丑常遇春下保定府以指揮李傑守

之丁卯下中山府以指揮董勳守之遂帥師趨真定

十月戊辰朔常遇春克真定先是真定路達魯花赤級納

錫彰聞王師取元都乃具朝服登城北面再拜墜崖歿

元左丞自河中率眾攻潼關都督僉事郭興部將于光

奮擊之元兵大敗自是李思齊等不敢復窺潼關

徐達下河間府以廣武衛鎮撫劉聚守之

己巳馮宗異湯和下懷慶以指揮紀斌守之壬申取澤州

### 丁丑取潞州

戊寅徐達克雄州以徐州衛鎮撫程信守之

帝以元都既克遂命徐達常遇春師取山西別晉兵三

萬人分隸北平六衛令都督孫興祖僉事華雲龍守之

十一月徐達率兵發北平取山西初元主北奔命擴廓帖

木兒復北平因是率兵出鴈門關將由保安州經居庸

關以至北平達聞之謂諸將曰擴廓帖木兒率師遠出

太原必虛北平孫都督總六衛之師足以鎮禦我與爾

等乘其不備直抵太原傾其巢穴兵法所謂批亢擣虛

也若彼還軍救太原則已爲我牽制進退失利必成擒

國朝典彙卷一  
四  
矣諸將皆曰善遂引兵徑進橫廓帖木兒至保安州聞之果還軍其鋒甚銳副將軍常遇春謀于達曰我騎兵雖集而步兵未至未可與戰莫若遣精兵夜襲其營其衆可亂主將可縛也達然之會橫廓帖木兒部將豁鼻馬潛遣人約降且請爲內應達于是遣兵夜襲其營橫廓帖木兒倉猝不知所出亟踰帳後出乘孱馬從十八騎遁去迨旦豁鼻馬遣其子來報達等勒兵進營太原城西豁鼻馬以其將校降得兵四萬人馬四萬餘匹橫廓帖木兒奔大同遇春以兵追之至忻州不及而還橫廓帖木兒遂走甘肅

二年正月常遇春自太原帥師征大同元守將竹貞等棄城走

二月徐達克奉元改奉元路爲西安府初元行省平章李思齊據鳳翔府副將許國英穆薛飛等守關中張思道與孔興脫伯列金牌張龍濟民李景春等駐鹿臺以衛奉元及聞大兵入關思道等先三日由野魚口遁去達至遣都督郭子興將輕騎直擣奉元而自率大軍繼進渡涇渭至三陵坡父老千餘迎降達遂按兵令左丞周凱入城撫諭明日達師入克奉元路

常遇春等率師自西安進取鳳翔李思齊西奔臨洮遇春

勒入城獲其部將薛平章

丙寅徐達兵至鳳翔會諸將議師所向諸將咸以張思道之才不如李思齊慶陽易於臨洮欲先出豳州取慶陽然後從隴西攻臨洮達曰不然思道城險而兵悍未易猝拔臨洮之地西通番夷北界河湟我師取之其人足以備戰鬪其土足以供軍儲今以大軍蹙之思齊不西走胡則束手就降矣臨洮既克則旁郡自下達乃留湯和守營壘金興旺余思明等守鳳翔遂移師趨隴州徐達師至鞏昌元守將梁子中等出降達師至會州部將有欲括州縣羊馬以供軍用者達曰西北之民素以畜牧為生今奉命吊伐本以安民若盡括其所資彼將何以為生不許

初李思齊在鳳翔 帝以書諭之思齊有降意其養子趙琦與其麾下給之欲與西入吐蕃思齊信之遂俱奔臨洮琦等私竊珍貨婦女匿山谷間思齊窮蹙副將軍馮宗異師至遂舉臨洮降琦等亦相繼來降宗異遣宣撫使張本中報捷京師達遣指揮韋正及琦等守之 帝遣使往諭達曰將軍提師西征所至克捷今李思齊又納降矣但未知慶陽寧夏攻取如何張思道兄弟多譎詐若其來降宜審取之勿墮其計也軍中之事尤宜慎



國朝典彙卷一  
開國  
之李思齊入見命爲江西行省左丞不之官食祿於京師

丁酉徐達師至蕭關遂下平涼遣將士招諭華亭等處指揮朱明克延安因以明守之

初張思道在慶陽聞王師克臨洮懼走寧夏而使其弟良臣與平章姚暉守慶陽思道至寧夏與金牌張等俱爲擴廓帖木兒所執徐達旣下平涼卽謀取慶陽命湯和遣軍往和州別遣指揮張煥將騎兵偵邏慶陽會合部將謝三遣人招良臣良臣以其兄被執遂以城降良臣驍勇善戰軍中呼爲小平章

戊申張良臣復據慶陽叛初良臣之降也遣其叅政花某詣徐達獻軍民數目又遣其知院李克仁葛八來獻馬數目達遣薛顯將騎兵五千步卒六千同克仁等赴慶陽比良臣出迎伏兵道左佯爲卑下以示歸降逮暮時以兵劫營我軍不意其叛爲所衝潰張瑛被執顯被傷走還達聞語諸將曰上明見萬里外今日之事果如前日所言良臣之叛祇取滅亾耳當與諸公戮力剪之六月常遇春李文忠率步卒入萬騎士一萬自北平往開平道三河經鹿兒嶺過會州敗破元將江文清兵於錦川得士馬千計次全寧故元丞相也速復以兵迎戰又

敗之也速遁去進攻大興州文忠謂遇春日元兵必走  
乃分千餘兵爲八十屯伏其歸路虜果夜遁遇伏大破  
之擒其丞相脫火赤遂率兵道新開嶺進攻開平元主  
先已北走追奔北數百里俘其宗王慶生平章鼎任等  
斬之凡得將士萬人車萬輛馬三萬匹牛五萬頭薊北  
悉平遇春還軍次河州卒詔文忠領其衆

七月蜀明昇遣使來貢賜璽書荅之

八月故元將脫列伯等領兵攻大同時李文忠奉命合攻  
慶陽至太原聞大同受敵遂由代出鴈門至馬邑適遊  
騎數千奄至猝遇我師與戰敗之擒其平章劉帖木兒

脫列伯悉銳來攻擒之降其軍萬餘獲馬萬匹輜重甚  
衆先是元主北走屯益里命脫列伯孔興以重兵攻大  
同欲圖恢復至是脫列伯被擒孔興走綏德其部將復  
斬之來降元主知事不濟無復南向矣

癸未徐達克慶陽初達率諸軍趨慶陽駐於東原令馮宗  
異湯和顧時戴德以兵四面圍其城張良臣出戰東門  
顧時擊敗之良臣復自西門出戰宗異以兵擊之良臣  
走還時王保保自寧夏遣竹筈來慶陽良臣因復遣還  
寧夏求援徐達別將李海明邏獲竹筈斬之以殉城下  
良臣復乘大風出兵與我師接戰我師擊敗之良臣懼

登城呼呂德約降達不聽初良臣自負城險又養子七人皆精悍善戰故欲拒守以圖大功及王師列營城下以困之良臣不得逞數出戰又皆不利及遣人赴寧夏求援皆被獲內外音問不通糧餉乏絕至煮人汗丸泥嚥之其部下知事不濟爭開門約降達勒兵入北門良臣父子俱投井中達引出斬之及其黨柴知院等二百餘人盡殲焉以都督僉事陳德守之

蒙古部將賀宗哲掠蘭州徐達遣馮宗異擊之宗哲遁去九月征南將軍廖永忠叅政朱亮祖等帥師自廣西還命皇太子率百官迎勞於龍灣

十月遣使致書元主曰朕本布衣因海內鼎沸不能自寧靜觀羣雄割據荼毒生靈於心不忍君又不能控禦致諸將各懷不軌外爲元臣內實自謀靡有戡定禍亂以安生民者乃親率諸將西平江湘漢沔南取交廣東定吳越八閩兩江皆入版圖方欲息兵以觀君之爲計而君之將臣張思道李思齊王保保三人者不爲國謀分據秦晉互相讐殺民遭塗炭朕乃命大將軍自前歲出由齊魯經河雒次燕趙我師未至君已棄宗社去朕謂君自知胡無百年之運能順天道歸我中國故土上策也未幾邊將來報君率殘兵留連開平朕思君前日宗

社稷安國用富實尚不能削平群盜今遠寄沙漠欲效漢之匈奴唐之突厥出沒不常以爲邊患是君之計不審也方今中國封疆盡爲我有華夏已平外夷咸附若命將出師直抵陰山之北則君雖有百萬之衆亦不過灰灰之餘燼涸轍之朽鮒耳何能爲哉比時君卽遁逃亦將無所往矣朕以誠心待人明示機策改圖易慮安分順天以存宗祀不亦善乎君其圖之

十一月大將軍徐達北征還 帝撫勞之

十二月楊璟自使蜀還言明昇闇弱諭之不悟莫若舉兵取之 帝曰兵之所加必貴有名西蜀之地彼亦安能


久據但朕意俟其悔悟來歸則師可不勞民亦無苦也姑緩之

李文忠以所俘脫列伯等獻京師 上曰彼亦爲其主耳事敗至此情有可矜其釋之仍賜冠服

王保保偵知徐達南還悉兵至蘭州城下圍城數里指揮張溫堅守不與戰以待援兵時鷹揚衛指揮于光守鞏昌將兵來援至蘭州之馬蘭灘卒遇保保兵戰敗被執至蘭州城下使喚張溫出降光大呼曰我不幸被執公等堅守徐總兵將大軍至矣敵怒殺之城中聞光言守益固保保進攻不利且懼大軍至乃引去

國朝典彙卷一  
開國  
三年正月 帝以王保保爲西北患復命徐達爲征虜大將軍李文忠馮勝鄧愈湯和副之往征沙漠問諸將曰元主遲留塞外保保近以孤軍犯我蘭州其志欲僥倖尺寸之利不滅不已今出師當何先諸將曰保保寇邊以元主猶在也若以師直取元主則保保失勢不戰而降也 帝曰保保方以兵臨邊今舍彼而求元主是忘近而趨遠失緩急之宜非計之善吾意欲分兵二道一令大將軍自潼關出西安擣定西以取王保保一令左副將軍出居庸入沙漠以追元主使其彼此自救不暇應援况元主遠處沙漠不意吾師之至如孤豚之遇猛

虎取之必矣事有一舉而兩得者此是也諸將皆曰善遂受命而行保保攻蘭州不利且聞大將軍至乃引去徐達等率師出安定駐沈兒峪口與王保保隔深溝而壘日數定戰王保保發兵千餘人由間道從東山下潛劫東南壘左丞胡德濟倉卒不知所措達親帥兵急擊破之乃退遂斬東南壘指揮趙某及將校數人以徇軍中朕栗明日整衆出戰諸將爭奮莫敢不力遂大敗保保兵擒元郟王文濟王及國公閻思孝平章韓札兒虎林赤巖奉先李景昌察罕不花等官一千八百六十五人將校士卒八萬四千五百餘人獲馬萬五千二百八十



餘匹駱駝騾驢襍畜稱是保保僅與其妻子數人從古城北遁去至黃河得流水以渡遂由寧夏奔和林都督郭英追至寧夏不及而還以德濟失律械送京師保保至和林愛猷識理達臘復任以事

先是擴廓帖木兒遁之甘肅莫見其終按通紀云王保保卽擴廓帖木兒初名也

胡德濟械送至京師 帝念其舊勞特宥之仍勅諭達曰朕起布衣克成大業命將出師悉由節制將軍備嘗知之邇者浙江右丞胡德濟臨事畏縮將軍不以軍法從事乃械送京師必欲朝廷治之將軍欲効衛青不斬蘓

建獨不見穠苴之待莊賈乎且慢軍政者悉歸之朝廷則將軍之威玩而號令不行矣胡右丞之失律正當就軍中戮之足以警衆所謂闔外之事將軍制之若送至朝廷朝廷必議其功過又非闔外之比矣彼嘗有救信州之功守諸暨之勞故不忍加誅懼將軍緣此緩其軍法是用遣使卽軍中諭意自今務威克厥愛毋事姑息五月徐達分遣鄧愈招諭吐蕃自將取興元

徐達與馮勝傅友德李思齊由曲陽入沔州又遣金興旺由鳳翔入連雲棧合兵攻興元守將劉思忠金慶祥降六月乙酉故蒙古陝西行省吐蕃宣慰使何鎖南普等以

蒙古所授金銀牌印宜勅詣左副將軍鄧愈軍門降  
辛丑左副將軍李文忠克應昌蒙古太子愛猷識理達臘  
北走文忠師趨應昌未至百餘里獲一故騎問之曰四  
月二十八日元主妥懽帖睦爾已殂文忠卽督兵兼程  
以進癸卯復遇元兵與戰大敗之追至應昌遂圍其城  
獲元主嫡孫買的里八剌并后妃宮人等及玉璽金寶  
玉冊鎮圭與駝馬牛羊無筭惟太子愛猷識理達臘與  
數十騎遁去文忠率精騎追之至北慶州不及而還捷  
奏至京師百官稱賀 帝曰元主守位三十餘年荒淫  
自恣遂至于此因謂治書侍御史劉炳曰爾本元臣今  
日之捷爾不當賀因命禮部榜示凡北方捷至嘗仕元  
者不許稱賀又以元主不戰而奔克知天命謚曰順帝  
七月乙亥李文忠遣人送獲故元買的里八剌等及其寶  
冊至京師省臣楊憲等請以買的里八剌獻俘于廟寶  
冊令百官具朝服進 帝曰寶冊貯之庫不必進也古  
者雖有獻俘之禮武伐殷曾用之乎憲曰武王事殆不  
可知唐太宗嘗行之 帝曰太宗是待王世充若遇隋  
之子孫恐不行此禮元雖夷狄入主中國百年之內生  
齒滋繁家給人足朕之祖父亦預享其太平雖古有獻  
俘之禮不忍加之只令服本俗衣以朝朝畢賜以中國

衣冠就令謝恩復謂憲曰故國之妃朝于君者元有此禮不必效之亦令衣本俗服于中宮朝見畢賜之中國服亦令就謝乙亥買的里八刺朝見奉天殿其母及妃朝見坤寧宮俱賜以中國服及賜第宅于龍山封買的里八刺爲崇禮侯

丁酉頒平定沙漠詔于天下 詔曰朕本農家樂生于有元之世庚申之君荒淫昏弱紀綱大敗由是豪傑並起海內瓜分雖元兵四出無救于亂此天意也然倡亂之徒首禍天下謀奪土疆欲爲主霸觀其所爲不合于禮故皆滅亡亦天意也朕當是時年二十有四盤桓避難

終不寧居遂托身行伍驅馳三年覩群雄無成徒擾生民乃率衆渡江訓將練兵奉天征討于今十有六年削平強暴混一天下大統旣正民庶皆安而元之遺孽時犯邊場勞我師旅今年六月十有五左副將軍李文忠左丞趙庸等遣使來奏五月十六日率兵北至應昌獲元君之孫買的里八刺及其后妃寶冊等物知庚申君已于四月二十八日殂于應昌大將軍所至朔庭遂空中書上言宜以其孫及后妃獻俘于太廟朕心思之其君之亡係乎天運所遺幼孫何知若行獻俘實有不忍况當天下紛亂朕非有意不過欲救患全生今定四



海休息吾民于田里非朕所能亦天運致然也尚慮臣民未知朕意是用播告天下左副將軍以禮護送買酌里八刺已至朕憐帝王之後難同庶民及首亂僭偽來降者特封崇禮侯總其眷屬以及母后等同居飲食服用出官民尚俾存元祀體法前王不敢過虧嗚呼天命靡常惟殷是鑒可不畏哉

仍遣使齎詔諭安南高麗占城是日百官表賀帝諭之曰卿等試言元之所以亡朕之所以興劉基進曰自古夷狄未有能制中國者元腥羶華夏幾及百年天實厭之又况未主荒淫政殘民困烏得不亡陛下應天順

人神武不殺救民水火安得不興帝曰當元之季君則晏安臣則跋扈國用不經征歛日促天怒人怨盜賊蜂起羣雄角逐竊據州郡天下已非元有矣向使元君克畏天命不自逸豫其臣各盡乃職罔敢驕奢天下豪傑豈得乘隙而起耶朕取天下於群雄非取于元氏今獲其遺胤朔漠清寧天實命之詩曰商之子孫其麗不億上帝既命侯于周服天命如此可不畏哉

遣使詔諭元宗室部落臣民朕既爲天下主華夷無間姓氏雖異撫字如一爾等無或執迷以貽後悔其邊塞韃韃百姓因元喪亂征繇繁重供億勞苦朕甚憫焉詔書

到悉安所居無自驚擾以廢耕牧

十月遣使致書元太子愛猷識理達剌曰君之將擴廓帖木兒自太原奔潰後今年四月七日復大敗于定西遁去已命將追捕旦夕必擒近獲徹里帖木兒乃君舊所用人特令致書適元史告成朕以令先君爲三十餘年之主不可無謚以垂後世用謚曰順已著于史君之子買的里八剌亦封崇禮侯歲給食祿及其來者與之同居無恙但不知君之爲况何如進退之間其審圖之復遣使齎書與元主曰前者兩致書于君而使者久不還豈君尚以往昔君民之分謂不當相與通問耶是大不

然君者天下之義主何常之有顧人心天命何如耳予以四海兵爭斯民無主提兵一起薄海歸心此誠天命非人力也君其奉天順人遣使通好庶幾藉我之盛強號令其部落尚得牧養於近塞以奉宗祀若計不出此猶欲以殘兵出沒爲邊民患則予大舉六師深入沙漠君將悔之無及矣近北平守將以雲中所獲爾平章火兒忽答右丞哈海等八人至京詢之皆君倚任之人是用待以不死再令齎書詣前惟君審圖之

元平章丑的長壽等至建康 帝命有司給廩餼歸於元而誅蔣英於市以英嘗刺殺胡大海叛投士誠命懸大

海畫像刺英血祭之乃復誅謝五等朱文忠以爲前保其不歿今復殺之何以示信且恐後無降者 帝曰謝再興是我至親尚投張氏情可恕乎兄弟悉磔於市十一月徐達等班師還至龍江 車駕出勞於江上明日帝御奉天殿達等上平沙漠表稱賀

四年正月 帝以明昇招諭不服命湯和爲征西將軍周德興廖永忠爲左右副將軍率京衛荆湘舟師由瞿塘趨重慶傅友德爲征虜前將軍顧時爲左副將軍率河南陝西步騎由秦隴趨成都諭和等曰今天下大定四海奠安惟川蜀未平耳朕以明玉珍嘗遣使修好存事

大之禮故于明昇憫其稚弱不忍加兵遣使數加開諭冀有覺悟昇乃惑于羣言反以兵犯吾興元雖敗劬而去然豺狼之心終懷嚙噬不可不討今命卿等率水陸舟師分道並進首尾攻之使彼疲于奔命勢當必克但師行之際在肅行伍嚴紀律以懷降附無肆殺掠昔王全斌之事可以爲戒卿等慎之

二月故元遼陽行省平章劉益以遼東郡地圖并籍其兵馬錢糧數遣使奉表來降詔置遼東衛指揮使司以益爲指揮同知

四月傅友德攻蜀階州克之湯和克歸州分遣趙庸曹良

臣率兵取容美洞及會周德興合攻茅岡覃屋寨平之  
仍次師歸州

傅友德兵至文州距城三十里蜀人斷白龍江橋以阻我  
我師友德督兵修橋以渡至五里關蜀平章丁世真等  
集兵據險都督汪興祖躍馬直前中飛石死友德怒奮  
兵急攻破之世真遁去遂拔文州

帝以湯和傅友德等出師伐蜀已逾三月未報復命朱亮  
祖爲征虜右副將軍率兵往助之

五月傅友德克綿州友德造戰船成將進兵漢州欲以軍  
中消息達湯和而山川懸隔適江暴漲用以木牌數千  
書克階文綿州日月投漢江順流而下蜀守者見之驚  
懼爲之解體

六月傅友德拔漢州帝聞湯和駐兵大溪口欲候水平  
進師恐其逗留緩事適階州捷至乃下詔切責之和猶  
遲疑未決及得傅友德木牌于江流乃進兵自白鹽山  
伐木開道以趨夔州

廖永忠進兵瞿唐峽山峻水急蜀人設鐵索飛橋橫據關  
口舟不得進乃密遣壯士數百舁小舟踰山渡關出其  
上流人持糗糧帶水以禦飢渴山多草木令將士皆承  
青蓑衣魚貫巖石間蜀人不之覺度其已至乃率精銳

出墨葉渡分爲兩道夜五鼓以一軍攻其陸寨一軍攻其水寨攻水寨將士皆以鉄裹頭舡置火器而前黎明蜀人盡銳來拒永忠已破其陸寨矣旣而將士舡舟出江者一時俱發上流揚旗鼓譟而下蜀人出不意大駭而下流之師亦擁舟前進發火筒火砲夾擊大敗之其將鄒興中火箭死遂焚其三橋斷其橫江鉄索擒同僉蔣達等八千餘人斬首千餘級溺死者無筭飛天張鉄頭張等皆遁去永忠入夔州明日湯和兵亦至永忠乃與和分道並進和率步騎永忠率舟師約會于重慶初傅友德克文州畱指揮朱顯忠守之至是僞夏平章丁

世真令番寇數萬來攻顯忠戰而却之僞夏趙元帥復與世真合兵攻城城中食且盡外援不至部下皆曰與其陷死地孰若出城求生路乎顯忠厲聲曰爲將守城城存與存城亡與亡豈有求活將軍耶詰旦世真攻圍益急顯忠遂出兵東門拒戰而世真復攻西門日且暮顯忠被傷裹瘡決戰力不支城破爲亂兵所殺千戶王均諒被執不屈蜀人磔之于文州東門初顯忠領士卒七百餘人及城破僅二百餘人旣而友德調兵來援世真棄城遁去事聞使祭顯忠均諒厚恤其家世真復率其餘黨寇秦州攻圍五十餘日城中食盡括牛畜以食

國朝典彙卷一  
昇  
軍傅友德調兵來援遂擊走之世真逃竄山谷自以拒敵官軍殺傷者多懼不敢出夜宿梓潼廟中爲帳下小校所殺及蜀平小校赴京言狀中書省臣奉請賞之帝曰小校殺本管非義也何賞爲不許

偽夏守金州九龍山寨平章俞思忠聞傅友德已克文階遂率其官屬軍民二千三百餘人詣軍門降獻良馬千匹友德遣人送思忠等至京帝命還其馬賜第居京師仍賜思忠米五石錢六千餘各有差

廖永忠率舟師自夔州乘勝抵重慶明昇與其右丞劉仁將奔成都昇母彭氏泣曰事勢如此縱往成都延命且夕何益仁曰然則柰何彭氏曰大軍入蜀勢如破竹今城中兵民皆破胆心悸豈能効力若毆之拒守死傷必多亦終不免不如早降昇遂遣使詣永忠軍全城納款湯和至重慶會廖永忠以兵駐朝天門外明昇面縛銜璧與母彭氏及其屬奉表詣軍門降永忠解縛受璧撫諭戴壽向大亨等令其子弟往成都招諭遣指揮萬德送昇等并降表于京師

遼東衛奏元將唵哈出據金山擾邊爲患乞益兵以備乃遣黃儔諭唵哈出曰前者萬戶黃儔回聞將軍威震遼左英資如是足以保定一方然既往不復君子當察昔

在趙宋君主天下立綱陳紀黎庶莫安逮至末年權綱  
解紐故元太祖興于朔方世祖入統中國此皆天道非  
人力也元之疆宇非不廣人民非不多甲兵非不衆城  
郭非不堅及紅巾起于汝穎羣盜徧于中原盜名僭號  
者繼出小明王稱帝于亳徐真一稱帝于蘄陳友諒稱  
帝于九江張士誠稱王于姑蘓明昇稱帝于西蜀彼四  
帝一王皆擁兵數萬割據中夏踰二十年朕本淮民爲  
群雄所逼因集衆禦亂遂渡江與將軍會于太平比待  
他俘特加禮遇且知將軍爲名家故縱北歸今又十七  
年矣朕見羣雄無成調兵四出北定中原南定閩越東  
取方氏西收巴蜀四帝一王皆爲俘虜惟元君奔北自  
亡華夷悉定天下大安此天命非人力也近聞將軍居  
金山大張威令吾兵亦守遼左與將軍旌旗相望將軍  
若能遣使通問貢獻姑容就彼順其水草猶可自逞一  
方不然胡無百年之運大厦旣傾非一木可支爨之後  
先惟將軍自思之儔至金山唵哈出拘留不遣

七月傅友德兵圍成都僞夏丞相戴壽知院向大亨等出  
城拒戰以象載甲士列陣前友德命指揮李英等以弓  
矢火器衝之象中矢却走壽兵躡藉死者甚衆友德亦  
中流矢會湯和遣報重慶之捷壽等亦聞重慶已降室

家無恙遂無鬪志乃藉府庫倉廩遣其子詣軍門納款友德許之翌日壽等率其屬降得士馬三萬初保寧城有韓氏女子十七遭明氏兵亂僞爲男子服混處民間既而被虜居兵伍中七年人莫知其爲女子後從玉珍兵掠雲南邂逅其叔父贖之歸人稱爲韓真女云

乙丑指揮萬德送明昇并降表至京師諸司定議受降禮帝曰明昇與宋孟昶不同昶專治國政所爲奢縱昇年幼事出臣下宜免其叩頭伏地是日昇及其官屬朝見授昇歸義侯賜冠帶衣服及居第於京師

淮安侯華雲龍統兵至雲州擒元平章指家奴盡俘其衆八月周德興等克保寧時全蜀已下惟吳友仁尚據保寧帝遣使諭湯和曰吾付將軍以大任而臨事往往逗撓何以總軍政寄國命乎和等聞詔遣德興會傅友德兵克其城執友仁械送京師蜀地悉平

故蒙古右丞張良佐左丞房嵩遣使貢馬上蒙古所授印章宣勅金牌及獻殺劉益之賊

七月徙歸德侯陳理歸義侯明昇於高麗理昇居常鬱鬱不樂頗出怨言帝聞之曰此童儒輩言語小過不足問但恐爲小人蠱惑不能保其始終宜處之遠方則釁際無自至可始終保全矣於是徙之高麗遣元樞密使



延安答理護送而往仍賜高麗王紗羅文綺俾善待之  
五年十一月靖海侯吳禎先督餉定遠盡收遼東未附之  
地至是還京師 帝曰海內悉歸版圖固可喜亦可懼  
禎曰威德加於四海復何憂 帝曰君天下者在德不  
在地今之天下卽元之天下地非不廣而元主荒淫國  
祚隨滅可不懼乎禎曰聖慮深遠臣愚不及此

十二月遣使與元幼主書曰朕觀前代獲亡國子孫必獻  
俘廟社誇示中國其有陽示優待者不久非鳩卽殺君  
家待宋幼主至削髮爲僧終不免於一死朕則不然君  
之子至京今已三年優待有加君宜遣使取歸朕本布

衣生長君朝混於民間豈有志於今日自辛卯盜起汝  
頽斲黃間君家天運已去人心已離四海土崩民罹荼  
毒朕始議興師保身救民一時僭稱名號者盡爲俘虜  
君之父子亦不守宗社北遁沙漠此天運非人力也故  
特致書以達朕意君宜察焉 又與元臣劉仲德朱彥  
德二生書曰朕觀二生乃間氣所鍾古今如二生者絕  
少何也至正之君蒙塵而崩幼主孤弱大臣無不叛去  
獨二生竭力守護誠可嘉尚今特遣使者諭爾君令取  
其子買的里八剌歸二生宜察之毋教人絕父子之倫  
爾君之宗祀不絕二生之家族亦可長保如其不然中

國以六軍出討旌旗數百里綿亘如陰山二生若忠於君身膏草野名垂千載亦奇男子事也或不能徇國偷生苟免將何面目與朕相見惟熟慮之

七年九月遣宦者咸禮表卜花帖木兒送崇禮侯買的里八刺北還厚賜之復遺其父愛猷識理達刺織金文綺辭行 帝諭之曰爾本元君子孫國亾就俘曩欲卽遣爾歸以爾年幼道里遼遠恐不能達今旣長成朕不忍令爾久客於外故特遣歸見爾父母親戚以全骨肉之愛又諭二宦者曰此爾君之嗣不幸至此長途跋涉爾善視之因致書愛猷識理達刺曰昔君在應昌所遺幼

子南來朕待以殊禮已經五年念君流離沙漠後嗣未有故特遣咸禮表等護其歸庶不絕元之嗣君其審之

能  
 年九月道官者  
 人地七遊厚賜之復道其父愛歐羅理達制  
 辭行一帝識之曰爾本元若子孫則人孰  
 則歸以兩年幼道望遠恐不能過今既  
 命爾久客外位將道  
 齊姑林數風斷去善對其嗣那不縣示之  
 行南來風林以秋甄日  
 正平念吾飛離必其  
 其得之

